



# შირაკი

## SHIRAKI

გამოცემის 1937 წლიდან  
დედოფლისწყაროს მუნიციპალიტეტის გაზეთი

№21 (10.077)  
17-24 ივნისი, 2023 წელი  
ფასი: 60 თეთრი  
ყოველკვირეული გამოცემა

### „სასია ოსტატის“ თოჯინები ნამდვილად იცინიან



გვ. 3

### დედოფლისწყაროს მუნიციპალიტეტში ალოთბა აქტიურ ფაზაში შედის



გვ. 2

### სამუხის ველზე ლიქლიქების მეხსრეა თაობა დაიბადა



გვ. 5

### დაკავება დედოფლისწყაროში



გვ. 7

## ინფრასტრუქტურული სამუშაოები გრძელდება

დედოფლისწყაროს მუნიციპალიტეტის მერმა ნიკოლოზ ჯანიაშვილმა მერიის ინფრასტრუქტურის სამსახურის უფროსთან, სოლომონ ლორაშვილთან ერთად სოფელ ხორნაბუჯში მიმდინარე ინფრასტრუქტურული სამუშაოები დაათვალიერა.

პროექტის ფარგლებში სოფელ ხორნაბუჯში ჩოლოყაშვილის და დუმბაძის ქუჩების, ასევე, საბავშვო ბაღთან მისასვლელი საავტომობილო გზების მოწყობა მიმდინარეობს. სამუშაოები დასკვნით ეტაპზეა და მისი ჯამური ღირებულება 419 777 ლარს შეადგენს.

ჩოლოყაშვილის და დუმბაძის ქუჩების, ასევე, საბავშვო ბაღთან მისასვლელი საავტომობილო გზების მოწყობა რეგიონებში განსახორციელებელი პროექტების ფონდიდან დაფინანსდა.



### ძლიერი სტიქია გურჯაანში

მოსული უხვი ნალექისა და სეტყვის შედეგად, გურჯაანში, თავისუფლების ქუჩა დაიტბორა, რამაც ტრანსპორტის მოძრაობის შეჩერება გამოიწვია, დაიტბორა შენობების პირველი სართულები.

გურჯაანის გარდა მუნიციპალიტეტის სოფლებში: ძირკოვი, ვეჯინი, გურჯაანი, ქანდარი, უხვი ნალექის შედეგად ადიდებულია ხევები.

სტიქიის ზონაში იმყოფებოდნენ - კახეთის სახელმწიფო რწმუნებული, გიორგი ალადაშვილი, გურჯაანის მუნიციპალიტეტის მერის მოვალეობის შემსრულებელი, ლერი გელენავა და საკრებულოს თავმჯდომარე, ვანო ბერიძიშვილი.

ადგილზე იყო მობილიზებული ყველა შესაბამისი უწყება, საგანგებო სიტუაციების მართვის სამსახურის მძიმე ტექნიკა, ცოცხალი ძალა.

მიმდინარეობდა ამოტუმბვისა და გზის განმენდის სამუშაოები.





### დედოფლისწყაროს მუნიციპალიტეტში ალთობა აქტიურ ფაზაში შედის

ქერისა და ხორბლის მოსავლის აღების შეუფერხებლად უზრუნველყოფისათვის დედოფლისწყაროს მუნიციპალიტეტის მერმა ნიკოლოზ ჯანიაშვილმა ადმინისტრაციულ ერთეულებში მერის წარმომადგენლებთან მორიგი სამუშაო შეხვედრა გამართა.

სამუშაო შეხვედრაში მონაწილეობა შპს „სოფლის მეურნეობის ლოჯისტიკისა და სერვისების კომპანიის“ გენერალურმა დირექტორმა, პაატა ლვინიაშვილმა და დედოფლისწყაროს სერვის ცენტრის ხელმძღვანელმა ივანე პარტენიშვილმა მიიღეს.

შეხვედრაზე აღინიშნა, რომ დედოფლისწყაროს თვითმმართველობა ქვეყნის ხელისუფლებასთან და „სოფლის მეურნეობის ლოჯისტიკისა და სერვისების კომპანიასთან“ კოორდინირებულად მზადაა შესაძლო პრობლემების პრევენციისათვის. ასევე განსაკუთრებული ყურადღება გამახვილდა მცირე მინიან ფერმერებზე, რათა მათ მოსავლის უდანაკარგოდ აღებისა და დაბინავების საშუალება მიეცეთ.

„ჩვენს ერთ-ერთ უმთავრეს პრიორიტეტს წარმოადგენს, რომ მოსავლის აღების სამუშაოები შეუფერხებლად, აგროვადების დაცვით ჩატარდეს. არ უნდა დაფუძვთ, ფერმერებს რაიმე სახის პრობლემა შეექმნათ“-განაცხადა შეხვედრაზე ნიკოლოზ ჯანიაშვილმა.



### 2013 წლამდე გამოშვებული ავტომობილების იმპორტი შეიზღუდება

მთავრობის გადაწყვეტილებით, 2013 წლამდე გამოშვებული ავტომობილების იმპორტი 2024 წლის პირველი იანვრიდან შეიზღუდება. როგორც პრემიერ-მინისტრმა ირაკლი ლარიბაშვილმა მთავრობის სხდომაზე განაცხადა, რეგულაცია მსუბუქი ავტომობილებისთვის ძალაში 2024 წლის პირველი იანვრიდან უნდა შევიდეს. ხოლო ავტომობილებისა და სატვირთო ავტომობილებისთვის 2025 წლის პირველი იანვრიდან.

„ჰაერის დაბინძურების საკითხი ყველას გვაწუხებს. ჩვენს ქალაქში, დედაქალაქში და ასევე მსხვილ ქალაქებში ძალიან დიდი პრობლემაა. დეტალური კვლევები გარემოს ეროვნულმა სააგენტომ ჩაატარა. მინდა მიღებულ გადაწყვეტილება გაგაცნოთ. ჩვენი დიდი ხანია, რამდენიმე წელია საწვავზე სტანდარტი დავანესეთ და ევრო 5-ის სტანდარტის საწვავი შემოდის საქართველოში. ამას მონიტორინგს მუდმივად უტარებს გარემოს ეროვნული სააგენტო. დიზელი იყო დარჩენილი, მივიღეთ გადაწყვეტილება და ევრო 5-ის სტანდარტის დიზელი შემოდის. ხარისხის რუტინულად შემოწმება ხდება. დღეს ერთი-ერთი მთავარი გამოწვევა რაც დარჩა, არის ჰაერის დაბინძურება, რაც დაკავშირებულია ბევრ გაუმართავ ავტომობილთან. მოგეხსენებათ, რომ ეს პირდაპირ კავშირშია ჰაერის ხარისხის გაუმჯობესებასთან და ვფიქრობთ, ეს ყველაფერი დადებითად აისახება მოსახლეობის ჯანმრთელობის მდგომარეობაზეც. ჩვენ ვიმსჯელებთ და გადავწყვიტეთ, რომ ქვეყანაში ავტომობილების ევრო 5-ის სტანდარტი შემოვიღოთ. ეს ნიშნავს იმას, რომ 2013 წლამდე გამოშვებული ავტომობილების იმპორტი შეიზღუდება. რეგულაცია მსუბუქი ავტომობილებისთვის ძალაში

2024 წლის პირველი იანვრიდან უნდა შევიდეს. ხოლო ავტომობილებისა და სატვირთო ავტომობილებისთვის 2025 წლის პირველი იანვრიდან. ამაზე ჯერ კიდევ ვმსჯელობთ. ამ თარიღებიდან ქვეყანაში ვეღარ დარეგისტრირდება ევრო 5-ის სტანდარტზე უფრო ცუდი ხარისხის ავტომობილი. მიღებული გადაწყვეტილება არ შეეხება ქვეყანაში უკვე არსებულ ავტომობილებს, ისევე როგორც რეექსპორტისა და ტრანზიტის მიზნებისთვის შემოსულ ავტომობილებს“, - განაცხადა ლარიბაშვილმა.

როგორც ლარიბაშვილმა აღნიშნა, გარემოს ეროვნული სააგენტო რეგულარულად ზომავს ჰაერის ხარისხს და ქვეყანაში ორი პრობლემური დამაბინძურებელი გამოიკვეთა, მყარი ნაწილაკები და აზოტის ორჟანგი.

„ბოლო 4 წლის განმავლობაში გაზომვების შედეგები გვჩვენებს, რომ აზოტის ორჟანგით ჰაერის დაბინძურების უმთავრესი წყარო არის სწორედ ეს მოძველებული და გაუმართავი ავტოტრანსპორტი. ამ დაბინძურების ყველაზე მაღალი მაჩვენებლები ფიქსირდება მსხვილ ქალაქებში: თბილისში, ბათუმში, ქუთაისში, რუსთავში, ხესტაფონში, მარნეულში, ხაშურში, ახალციხესა და ჭიათურაში. აღნიშნული პრობლემა ყველაზე მძაფრად დედაქალაქში დგას, სადაც ყოველდღიურად ყველაზე მეტი ავტომობილი მოძრაობს. თბილისში ნორმების გადაჭარბება 25-იდან 13 ლოკაციაზე ფიქსირდება და ამ ქუჩებზე გადაჭარბება ორჯერ აღემატება დასაშვებ ნორმას. ჩვენ გასულ წელს გავზომეთ ჰაერის ხარისხი და ბოლო პერიოდში გაზრდილია მავნე ნივთიერებების კონცენტრაციის მოცულობა და ამიტომ მას სჭირდება დროული რეაგირება. გადავხედეთ სხვა ქვეყნების გამოცდილებას. რეგიონში არცერთი ქვეყანა არ დარჩა, რომელმაც ევრო 5-ის სტანდარტზე არ გადაიყვანა ავტოპარკი. ეს რეგულაციები მანამდე უკვე შემოღებული აქვთ სხვა ქვეყნებს, მათ შორის ჩვენს მეზობლებს სომხეთსა და აზერბაიჯანში. ევროპაში დიდი ხანია ეს სტანდარტია დაწესებული“, - განაცხადა ლარიბაშვილმა.



### პრემიერ-მინისტრი შარლ მიშელს შეხვდა

საქართველოს პრემიერ-მინისტრი ირაკლი ლარიბაშვილი ბრიუსელში შეხვედრებს აგრძელებს. ევროპული საბჭოს პრეზიდენტმა შარლ მიშელმა პრემიერ-მინისტრს სამუშაო სადღიურზე უმასპინძლა.

შეხვედრის მთავარი თემა საქართველოს ევროკავშირში განწევრიანების პროცესი იყო. მხარეებმა განიხილეს საქართველოს მიერ მიღებული პროგრესი ევროკომისიის 12 პრიორიტეტის შესრულების კუთხით. ლიდერებმა აღნიშნეს, რომ ქვეყნის ევროპული პერსპექტივის აღიარება ისტორიული გადაწყვეტილებაა და ხაზი გაუსვეს, რომ წლის ბოლოს საქართველოსთვის კანდიდატის სტატუსის მინიჭებას კრიტიკული მნიშვნელობა აქვს ქვეყნისთვის, მათ შორის, პოლარიზაციის დასრულების თვალსაზრისით.

საუბრისას განსაკუთრებული ყურადღება დაეთმო რეგიონში უსაფრთხოების გარემოს, საქართველოს ოკუპირებულ ტერიტორიებზე უსაფრთხოებისა და ჰუმანიტარული კუთხით არსებულ რთულ ვითარებას. აქცენტი გაკეთდა საქართველოს მნიშვნელოვან როლზე რეგიონში მშვიდობისა და სტაბილურობის უზრუნველყოფისთვის.

შექმნილ ვითარებაში პრემიერ-მინისტრმა ხაზგასმით აღნიშნა რეგიონში ევროკავშირის ჩართულობის მნიშვნელობა, როგორც მშვიდობისა და უსაფრთხოების ხელშეწყობის, ისე საქართველოსა და ევროკავშირის შორის შავი ზღვის რეგიონის ფარგლებში სატრანსპორტო, ენერგეტიკული და ინფრასტრუქტურული კავშირების გაღრმავების თვალსაზრისით.

ირაკლი ლარიბაშვილმა შარლ მიშელს საქართველოს ევროკავშირში განწევრიანების პროცესის მხარდაჭერის საქმეში განუწვლი პირადი ძალისხმევითა და საქართველოს ევროპული პერსპექტივის მხარდაჭერისთვის მადლობა გადაუხადა.

საუბრისას განსაკუთრებული ყურადღება დაეთმო რეგიონში უსაფრთხოების გარემოს, საქართველოს ოკუპირებულ ტერიტორიებზე უსაფრთხოებისა და ჰუმანიტარული კუთხით არსებულ რთულ ვითარებას. აქცენტი გაკეთდა საქართველოს მნიშვნელოვან როლზე რეგიონში მშვიდობისა და სტაბილურობის უზრუნველყოფისთვის.

### რობორია ბავშვზე ზრუნვის სისტემა საქართველოში

„საქართველოში ბავშვების 38 პროცენტი განიცდის მატერიალურ და სოციალურ დანაკლისს“, - წერია გაეროს ბავშვთა ფონდის მხარდაჭერით „საქსტატის“ მიერ ჩატარებულ კვლევაში საქართველოში ბავშვთა კეთილდღეობის შესახებ.

გაეროს ბავშვთა ფონდის სოციალური პოლიტიკის და ეკონომიკის სპეციალისტი ქეთევან მელიქაძე ამბობს, რომ გამოიკვლიეს ბავშვთა ხელმისაწვდომობა ჯანდაცვაზე, განათლებაზე და სოციალურ დანახარებებზე; სკოლებში კვება, ბავშვების მატერიალური და სოციალური დანაკლისები, აღზრდის მეთოდები, ბავშვთა ფუნქციური სირთულეები.

„გვინდა რომ ნამოწივით ბავშვთა უფლებების დაცვის საკითხები და სწორედ ამის გამო ჩავატარეთ ეს გამოკვლევა. მხოლოდ ის კი არ არის მნიშვნელოვანი, თუ როგორ უჭირს ოჯახებს ფინანსურად, არამედ ისიც, რომ ის მწირი რესურსები რამდენად მიემართება ბავშვის საჭიროებების დაკმაყოფილებას. ბავშვთა სიღარიბის ფინანსური საზომი არ არის საკმარისი იმისათვის, რომ ვილაპარაკოთ ბავშვის კეთილდღეობაზე. საინტერესოა, ბავშვი რას ღებულობს იმ განათლებიდან, რაზედაც აქვს ხელმისაწვდომობა, ან ჯანდაცვის სფეროდან, ასევე სოციალურ მომსახურებებზე და საერთოდ, ძალიან საინტერესოა, როგორ ხდება ბავშვის აღზრდა ქვეყანაში, რა მეთოდებს ვიყენებთ, ესეც მისი კეთილდღეობის ერთ-ერთი მნიშვნელოვანი კომპონენტია.“

კვლევაში გამახვილებულია ყურადღება ბავშვთა კეთილდღეობისთვის საჭირო სხვადასხვა საკითხებზე, მათ შორის კვებაზე, მატერიალურ და სოციალურ დანაკლისზე, ასევე აღზრდაზე.

### უახლოეს მომავალში, შესაძლოა, ავტოსკოლების ლიცენზირების საკითხზე მუშაობა დაიწყოს

საავტომობილო მოძრაობის კუთხით არსებული სავალალო ვითარების ერთ-ერთი მიზეზი ავტოსკოლების უკონტროლო საქმიანობაა.

სფეროს ექსპერტები საუბრობენ, რომ აუცილებელია ეს სფერო რეგულაციების ქვეშ მოექცეს, რაც ერთ-ერთი ევროდირექტივაა. როგორც ფონდის „პარტნიორობა საგზაო უსაფრთხოებისთვის“ დირექტორმა ირაკლი იზორიამ განმარტა, წლებია, სფეროს ექსპერტები და ასოციაციები აღნიშნული რეგულაციის ამოქმედებას ითხოვენ, თუმცა, საკითხი ადგილიდან ჯერ არ დაძრულა.

მისი თქმით, ამ დარგზე დღეს რეგულაციები არ ვრცელდება და ავტოსკოლის გახსნისთვის არაფერი ინდენარმის ან შპს-ს დარეგისტრირება საკმარისი, ასეთი სკოლების 95% საერთოდ რეგისტრაციის გარეშე საქმიანობენ და ერთი-ორი სკოლა თუ არის, რომელსაც შსს-ს მომსახურების სააგენტოში შესაბამისი დოკუმენტაცია (ინფრასტრუქტურის, სასწავლო მეთოდოლოგიის, ტექნიკური აღჭურვილობის შესახებ) აქვს წარდგენილი.

იზორიამ აღნიშნა, რომ საგზაო მოძრაობის კუთხით ქვეყანაში არსებული რთული ვითარების ერთ-ერთი მიზეზი სწორედ ავტოსკოლების რეგულაციების მიღმა ყოფნაა.

### რა ასაკის ავტომობილებს ფლობენ საქართველოში

საქართველოში მსუბუქ ავტომობილთა ასაკი ერთ-ერთი ყველაზე მაღალია ევროპის ქვეყნებს შორის. ამის შესახებ Galit&Taggart-ის კვლევიდან ვიგებთ.

„ძველი ავტომობილების ამგვარი დომინაცია მათი ჩანაცვლების საჭიროებაზე მიუთითებს“, - წერია ანგარიშში.

2022 წლის სექტემბრის მონაცემებით, ქვეყანაში ავტომობილების უმეტესობა 2002 წლამდეა წარმოებული.

- ავტოპარკის ასაკის დეტალური მონაცემები ასეთია:
- 20 წელზე მეტის - 53%;
- 11-20 წლის - 30%;
- 7-10 წლის - 11%;
- 4-6 წლის - 3%;
- 0-3 წლის - 3%.

კვლევიდან ირკვევა ისიც, რომ საქართველოს ავტოპარკის 35% თბილისშია თავმოყრილი, დანარჩენი კი, რეგიონებში. რაც შეეხება სხვა რეგიონებს, ქვეყნის საერთო ავტოპარკის 14% იმერეთშია, 10% - ქვემო ქართლში, 9% - კახეთში, 7% - სამეგრელოში, 8% - აჭარაში, 6% - შიდა ქართლში, 4% - სამცხე ჯავახეთში, სხვა რეგიონებში კი - 8%.

ცნობისთვის, 2024 წლის პირველი იანვრიდან საქართველოში 2013 წლამდე ასაკის მსუბუქი ავტომობილების იმპორტი იკრძალება. 2025 წლის პირველი იანვრიდან კი, ავტომობილებისა და სხვა 10 წელზე ადრე გამოშვებული სატრანსპორტო საშუალებების იმპორტიც აიკრძალება.

# „ცაცია ოსტატის“ თოჯინები ნამდვილად იხინიან ეკოლოგიურად უსაფრთხო სათამაშოები — ბავშვებს!



შირაფი ჟოზა, ზღარბი ვაჟლით, მანქანები, თვითმფრინავები და სხვა, ბავშვებისთვის საყვარელი პერსონაჟები ზღარბულ სამყაროს ბიხსნიან და ბავშვობაში გამომზადებულ, სამყაროში, სადაც სიკეთე ყოველთვის იმარჯვებს პროტაგონაჟს. ასე გვონიან, რომ ამ სათამაშოების ოსტატებიც კეთილ ჯადოქრებს ჰგვანან და ჯადოსნური ზოხის ერთი აქნებით ბავშვების ოცნებების ახდენა შეუძლიათ. გარკვეულწილად ასეცაა, რადგან ყველა სათამაშო ეკოლოგიურად სუფთა პროდუქციისგან მზადდება, ბავშვებისთვის უსაფრთხო და ფასიც ხელმისაწვდომია. „ცაცია ოსტატის“ შვილებიც ამ სათამაშოებით იზრდებიან. მათი და სანარმოს ასაკის მატებასთან

ერთად იხვეწება და მრავალფეროვანი ხდება პერსონაჟთა რიცხვიც... იდეა დიდი ხნის წინათ დაიბადა. თავიდან იყო ბავშვობის ასაკში შექმნილი ხის ნაკეთობები, შემდეგ ავეჯის ბიზნესი სცადა, მოგვიანებით კი სათამაშოების კეთებას მიჰყო ხელი, რადგან ქართულ ბაზარზე ეკოლოგიურად სუფთა სათამაშოების დეფიციტი იყო. დღეს, „ქართული თემის“ მიერ დამზადებულ სასაჩუქრე ნაკრებში, რომელიც კოშკის სახელითაა ცნობილი ქართულ ბაზარზე, დედოფლისწყაროელი შოთა შანშიაშვილის მიერ შექმნილ ხის სათამაშოს აღმოაჩენთ. სანარმოში ნატურალური ხისგან შექმნილი სათამაშოები ინარმოება სუფთა გარემოში, ხარისხზე ორიენტირებული ოსტატების მიერ. პრო-

დუქციის საბოლოო სახის მისაღებად გამოიყენება ეკოლოგიურად სუფთა, სერტიფიცირებული საღებავები, მცენარეული ზეთი და ფუტკრის სანთელი, რაც ცალსახად ხდის პროდუქტს ეკოლოგიურად სუფთას და უსაფრთხოს. პროდუქტს გამოარჩევს მაღალი ხარისხი, შემცვენებითი და ეთნოგრაფიული დიზაინი. კომპანიის დამფუძნებელია შოთა შანშიაშვილი, მისი გამოცდილება ხის მხატვრულად დამუშავების მიმართულებით დაიწყო ბავშვობის ასაკში, დაამთავრა ლიკეუმი და პროფესიულ დონეზე აგრძელებს საქმიანობას აღნიშნული მიმართულებით. „ცაცია ოსტატის“ ნამუშევრებზე მოთხოვნა მალე გაიზარდა, რის შემდეგაც მისმა დამფუძნებელმა ახალი, უფრო ფართო სანარმოს გახსნაზე დაიწყო ფიქრი. შოთა შანშიაშვილმა, სანარმოს სრულყოფისა და გადაიარაღების მიზნით, ბევრ პროექტში მიიღო მონაწილეობა და გაიმარჯვა კიდევ. სწორედ ამის დასტურია მის სანარმოში უამრავი ახალი დაზგა, რომელიც სათამაშოების დამზადების პროცესს უადვილებს პერსონალს. ამის პარალელურად, „ცაცია ოსტატი“-ს სახელოსნოში კვლავ უზვადაა შოთას მიერ შექმნილი დანადგარები, რომლებიც ექსკლუზიურია და თანამედროვე, უცხოეთიდან გამოწერილი დაზგების გვერდით საპატიო ადგილს იკავებენ. რამდენიმე დღის წინ „ცაცია ოსტატს“ სოფლის განვითარების სააგენტოს წარმომადგენლები, სოფლის განვითარების სააგენტოს დირექტორის მოადგილე ნატალია ხარატიშვილი, კახეთის მხარის სახელმწიფო რწმუნებული გიორგი ალადაშვილი, დედოფლისწყაროს მუნიციპალიტეტის მერი ნიკოლოზ ჯანიაშვილი და გაეროს განვითარების პროგრამის „სოფლის განვითარების გაუმჯობე-

ლება საქართველოში“ კოორდინატორი გიორგი ციმიტია ახლადგახსნილ სანარმოში მიმდინარე სამუშაოებს გაეცნენ. მათ დაათვალიერეს სანარმო, რომლის ექსკურსიამძღოლობა თავად შოთა შანშიაშვილმა იკისრა. სტუმრები გაეცნენ სანარმოს დაარსების ისტორიას, სათამაშოების დეტალების დამზადების ტექნოლოგიას და სამომავლო გეგმებიც მოისმინეს მისი ხელმძღვანელისგან, რომელმაც გრანტის ფარგლებში მიღებული დაფინანსების წყალობით სათამაშოების სახელოსნოს გაფართოება მოახდინა. სანარმოს მოსახლეობად ინვესტიციის მოცულობამ 100 000 ლარზე მეტი შეადგინა, მათ შორის, სოფლის განვითარების პროგრამის თანადაფინანსება 79 000 ლარია. სანარმოში 5 ადგილობრივია დასაქმებული და ყოველდღიურად 20 000 სათამაშოს ამზადებს. კომპანიის პროდუქცია ადგილობრივ ბაზარზე იყიდება; უახლოეს მომავალში იგეგმება პროდუქციის ექსპორტიც.



სოფლის განვითარების სააგენტოს პროგრამების ფარგლებში ფინანსური მხარდაჭერა არის საშუალება, რომ სოფლად მაცხოვრებელ მოსახლეობას დაეხმაროს, შექმნან დოვლათი და ეკონომიკურად გაძლიერდნენ, - აღნიშნა სოფლის განვითარების სააგენტოს დირექტორის მოადგილემ, ნატალია ხარატიშვილმა. გაეროს განვითარების პროგრამის „სოფლის განვითარების გაუმჯობელება საქართველოში“ კოორდინატორი გიორგი ციმიტიას განცხადებით, ევროკავშირი და გაეროს განვითარების პროგრამა უკვე მრავალი წელია ხელს უწყობს საქართველოში სოფლის განვითარებას, ახალი შესაძლებლობების შექმნას სოფლად მცხოვრები მოსახლეობისათვის. ამ ეტაპზე, პროექტის ფარგლებში, 500-ზე მეტი სამუშაო ადგილი შეიქმნა. ნიკოლოზ ჯანიაშვილი, დედოფლისწყაროს მუნიციპალიტეტის მერი: „მადლობა სოფლის მეურნეობის განვითარების სააგენტოს, მადლობა ყველას, ვისაც წვლილი მიუძღვის ამ სანარმოს განვითარების საქმეში, რადგან სწორედ აქაა ევროპა, სადაც ხდება ადამიანების ნიჭის ხელშეწყობა და განვითარება. „ცაცია ოსტატი“ დასტურია იმის, რომ საქართველოში შეიძლება გახდეს წარმატებული“.

სანარმოს დამფუძნებელი შოთა შანშიაშვილი ამბობს, რომ მისი მიზანია, მომავალში გამოუშვას ისეთი სათამაშო, რომელიც ბავშვის გონებრივი თვალსაზრისით გაფართოების გარდა, მოზარდი თაობის წესრიგისადმი და დისციპლინისადმი დამოკიდებულების გაზრდას შეუწყობს ხელს. გაზეთ „მორაქის“ რედაქცია საქმიანობის გაფართოებასა და წარმატებებს უსურვებს „ცაცია ოსტატს“.





# „ჩვენი თაობა ბევრად აქტიური და ლაღია“...

აბიტურიენტებისთვის ყველაზე ცხელი პერიოდი დაიწყო. სულ მალე მათ ეროვნული გამოცდების ჩაბარება და უმაღლეს სასწავლებლებში სასურველ სპეციალობებზე როგორც ადგილის, ისე დაფინანსების მოსაპოვებლად ბრძოლა მოუწევთ. „შირაჰი“ დედოფლისწყაროელ ოქროს მედალოსნებს ესაუბრა და მათი სამომავლო გეგმებითა და მოსაზრებებით დაინტერესდა.

**- როგორია თქვენი პროფესიული არჩევანი?**

**ლიზი თეთრაული (ქვემო ქედის სკოლის მედალოსანი):** „არჩევა-



ლიზი თეთრაული

ნი შევაჩერე სამედიცინოზე. ძალიან მომწონს სამედიცინო სფერო და ვფიქრობ, რომ საუკეთესო ვარიანტია ჩემი თავის გამოსახატად. კონკრეტულად მაინტერესებს კარდიოლოგია. ჩემთვის ერთ-ერთი ყველაზე საინტერესო და მომხიბლავი განხრია და ვიმედოვნებ, რომ თავს ზუსტად ამ სფეროში დავიმკვიდრებ“.

**ლაშა ლეკაშვილი (სამრეკლოს სკოლა):** „ბავშვობიდან ყოველთვის დაინტერესებული ვიყავი პროგრამირებით და ტექნიკით, ამიტომ რაც უფრო ნლები მომემატა, უფრო დამაინტერესა ამ საკითხებმა. რაც შეხება ფაკულტეტს, კომპიუტერულ მეცნიერებას ვირჩევ და ამ მიმართულებით განვითარდები“.

**ვალერი ვარდიშვილი (ზემო ქედის №2 სკოლა):** „მომავალ პროფესიად გრაფიკული დიზაინერობა მაქვს არჩეული, რადგან ვფიქრობ, რომ ეს არის მომავლის პროფესია, რომელიც ჩემს ინტერესებს ზუსტად ეხამება. ვფიქრობ, ეს მომცემს შესაფერის თავისუფლებას, რათა საკუთარი მე კარგად წარმოვჩინო. ჩემთვის გრაფიკული დიზაინის უდიდესი პლუსია მსოფლიო ბაზართან მარტივი კავშირი ქვეყნიდან გაუსვლელად, რაც საქართველოს მოქალაქისთვის უდიდესი ფუფუნებაა. ხატვა მიყვარს, დიზაინის კურსიც გავლილი მაქვს და ვიცი რა ხდება, ანიმაციებსაც ვხატავდი ხოლმე“.

**ტატო ბენაშვილი (წმ.მეფე გორგასლის სახ. საპატრიარქოს სკოლა):** „სამედიცინოზე ვაპირებდი ჩაბარებას, რადგან სულ მინდოდა, ისეთ ხალხს დავხმარებოდი, რომლებიც დაავადებებისგან, ან რაიმე ტრავმისგან იტანჯებიან. ბოლო ორი წლის განმავლობაში, სხვადასხვა გარემოებათა გამო მომიწია ფსიქოლოგიურად ტრავმირებულ ადამიანებთან კონტაქტი და დავაკვირდი მათ. მივიღე ცოდნა ნიგნებიდან და ონლაინ ტრენინგებიდან, ვიყავი ორგანიზაციაში და ვეხმარებოდი სხვებს. ახლა კი, როდესაც პროფესიის არჩევა მიწევს, გადავწყვიტე ჩავაბარო ფსიქოლოგიაზე, რადგან ჩემი უნარები გამოვიყენო, როგორც ცალკეულ ადამიანთა გამოჯანმრთელებაში, ასევე საქართველოში ამ სფეროს განვითარებაში.“

**- რამდენად ახერხებს სკოლა, მოსწავლეს მისცეს სათანადო ხარისხის განათლება?**


**ლიზი თეთრაული:** „ჩემი გადმოსახედიდან, სკოლას უდიდესი პერსპექ-

ტივა აქვს იმის, რომ ბავშვს მისცეს სათანადო განათლება, თუმცა, რა თქმა უნდა, გარკვეული თემები დასახვეწია. ბავშვის მონდომებისა და მშობლების ჩართულობის შედეგად სკოლა იქცევა ერთ-ერთ უმნიშვნელოვანეს ეტაპად მოსწავლის ცხოვრებაში, სადაც შესაძლებელი ხდება სათანადო ხარისხის განათლების მიღება.“

**ლაშა ლეკაშვილი:** „სხვა სკოლებზე მე ვერ ვისაუბრებ, მაგრამ სოფელ სამრეკლოს საჯარო სკოლით, დარწმუნებული ვარ, რომ მოსწავლეების უმეტესი კმაყოფილია. მინდა დიდი მადლობა გადავუხადო ჩემს უძვირფასეს მასწავლებლებს რომლებმაც არა მარტო გაკვეთილები გვასწავლეს, არამედ საკუთარი შვილებივით აღგვზარდეს.“

**ვალერი ვარდიშვილი:** „ჩემი სკოლა ნამდვილად არის მოსწავლეთა ცოდნის დონის ამაღლებაზე ორიენტირებული. ყველა პირობაა, რომ ბავშვებმა მიიღონ კარგი განათლება. სკოლას ჰყავს ბევრი წარმატებული კურსდამთავრებული და გრანტიანი სტუდენტი“.

**ტატო ბენაშვილი:** „ზოგადად, სკოლაში არსებული განათლების სისტემა შესაცვლელია, რადგან ზედმეტად მარტივად ასათვისებელი პროგრამაა.“



ლაშა ლეკაშვილი

არ უნდა ითვლებოდეს ნორმალურად ის ფაქტი, რომ ეროვნული გამოცდების ჩასაბარებლად მოსწავლეებს ერთი წლის განმავლობაში მიღებული ცოდნითავე შეუძლიათ უნივერსიტეტში მაღალი ქულებით მოხვედრა. ვისურვებდი, საატესტატო გამოცდების დამატებას ისე, როგორც ნლების წინ იყო, რომელიც ნამდვილად აჩვენებს სკოლასაც და მოსწავლესაც განათლების ხარისხს და დაეხმარება ნაკლოვანებათა გამოსწორებაში. რა თქმა უნდა, ჩვენი სკოლა განსხვავებულია დანარჩენი საჯარო სკოლებისგან და ნამდვილად გვაძლევს შედარებით მეტ განათლებას მაღალი პასუხისმგებლობისა და მოწესრიგებული გარემოს ხარჯზე. პანდემიის დროს ჩავარდნა თითქმის არ გვქონია და როგორც კი შესაძლებელი იყო სწავლის სკოლაში გაგრძელება, დირექტორი მუდამ ამისთვის იბრძოდა. სხვა სკოლებში არსებული სიტუაცია ნამდვილად არ ვიცი, მაგრამ მეთორმეტე კლასში თითქმის არცერთი დღე არ გავიცდენია, რამაც ასევე იმოქმედა ჩვენს განათლებაზე. გარდა ამისა, სკოლამ სპეციალურად გამოყო საათები აბიტურიენტებისთვის დამატებითი საგნებში მოსამზადებლად, ინდივიდუალურად შეირჩა საგნები, რომლითაც უნივერსიტეტში ვაბარებთ“.

**- რა არის ახალი თაობის პლუს-მინუსები, რა დადებითი და უარყოფითი მხარეებს ხედავთ?**

**ლიზი თეთრაული:** „ახალი თაობა საკმაოდ ნიჭიერი და მოტივირებულია. ვფიქრობთ მუდმივად განვითარებაზე და ვართ პროგრესულად მოაზროვნე. თუმცა, უნდა ვეცადოთ, რომ ჩვენი შესაძლებლობები ბოლომდე გამოვიყენოთ, ჩვენი ქვეყნის განვითარებისთვის“.


**ლაშა ლეკაშვილი:** „დღევანდელ თაობას აქვს, ჩემი აზრით, ყველაზე დიდი პოტენციალი იმისა, რომ ჩვენი სამშობლო ახალ საფეხურზე აიყვანოს. ახალგაზრდების დადებითი თვისება დღესდღეობით არის ერთმანეთის ურთიერთგაგება, კომუნიკაბელურობა და

პატიების უნარი. ჩემს გარშემო მყოფ ახალგაზრდებს რომ ვუყურებ, უკეთესი მომავლის იმედი მეძლევა. რაც შეეხება უარყოფით თვისებებს. მე პირადად ვფიქრობ, რომ ეს არის ძველი ტრადიციების უპატივცემულობა, რაც ბევრი შრომით, ვფიქრობ, რომ გამოსწორდება და დააფასებს ჩვენი თაობა იმ ტრადიციებს, რისი წყალობითაც აქამდე მოაღწია ჩვენმა სამშობლომ. საბოლოო ჯამში, საკმაოდ განათლებული და პერსპექტიული თაობა მოდის.“

**ვალერი ვარდიშვილი:** „ვფიქრობ, რომ ჩემი თაობა ბევრად აქტიური და ლაღია, მეტად ენერგიულია და რაც მთავარია, ყველაფერს სხვა თვლით ხედავს, განსხვავებით წინა თაობისგან, რომელიც შეცვლაზე უარს ამბობს. იმედი მაქვს, ჩვენ ეს სილაღე სიბერემდე გავკვავება“.

**ტატო ბენაშვილი:** „ზოგადად, ყველა ახალ თაობას აქვს ეს პოზიტიური მხარე, რომ არის „ახალი სისხლი“ და ყველაფერზე ნამსვლელი საკუთარი შეხედულებებისა და პრინციპების გამოყენებაში. სხვა თაობებისგან განსხვავებით, ახალ თაობას უამრავ ინფორმაციაზე მიუწვდება ხელი, რაც კარგიც არის და ცუდიც. ეს ფაქტი განაპირობებს, რომ ხშირად ამ თაობის წარმომადგენლები არასწორ ინფორმაციასა და ხალხს მიჰყვებიან, ასეთი ქცევა ნამდვილად არ გამოადგება არც სახელმწიფოს, არც ჩვენ. მჯერა, რომ ახალი თაობა მნიშვნელოვან ცვლილებებს შეიტანს ქვეყანაში და გამოასწორებს უფროსებისგან დატოვებულ არეულ რეალობას“.

**- არის თუ არა სხვაობა დედაქალაქი-**



ვალერი ვარდიშვილი

**სა და სოფლების სკოლებს შორის?**

**ლიზი თეთრაული:** „ქალაქისა და სოფლის სკოლებს შორის დიდი განსხვავებაა. სოფელში განსხვავებული ატმოსფეროა და უკეთესი დამოკიდებულება ერთმანეთისადმი. ასევე მოსწავლეთა მცირე რაოდენობა, რაც, ჩემი აზრით, უშუალოდ აისახება განათლების ხარისხზე.“

**ლაშა ლეკაშვილი:** „სხვათაშორის, ეს ძალიან კარგი კითხვაა, რადგან მე ქალაქის სკოლაში დავდიოდი რამდენიმე წელი, ახლა კი სოფლის სკოლაში და გამოცდილება მაქვს, როგორი სწავლა და როგორი მასწავლებლებია ორივე ადგილას. პირადი გამოცდილებიდან მინდა გითხრათ, რომ სწავლა თუ სურს მოსწავლეს, ყველგან ისწავლის, რა თქმა უნდა, მცირე განსხვავებები არის ქალაქისა და სოფლის სკოლებში, მაგრამ იმდენი არაფერი რომ ერთი მეორეს სჯობდეს. არაფერი არ აკლია სოფლების სკოლებს, უბრალოდ, ქალაქში უფრო მეტი ბავშვი, მეტი პროექტები და მეტი დამიანია, რაც შესაბამისად მეტ შესაძლებლობას გვაძლევს, რომ განვითარდეთ. მაგრამ სოფელშიც არის ეს ყველაფერი შესაძლებელი იგივე შრომით და მონდომებით, თუ მიისწრაფვი წარმატებისკენ“.

**ვალერი ვარდიშვილი:** „სოფლის სკოლების პლუსი ის არის, რომ კლასებში 10-15 ბავშვია. ეს იძლევა იმის საშუალებას, რომ მოსწავლეები ყოველდღიურად და აქტიურად იყენენ ჩართული გაკვეთილის დროს. ეს, ალბათ, შედარებით ნაკლებად ხერხდება ქალაქის

მრავალრიცხოვან კლასებში.“

**- როგორ წარმოგიდგენიათ თქვენი თავი 20 წლის შემდეგ, ხედავთ თუ არა განვითარების შესაძლებლობას ჩვენივე ქვეყანაში?**

**ლიზი თეთრაული:** „ჩემი მომავალი პროფესია დიდ შრომას მოითხოვს. ვფიქრობ, 20 წლის შემდეგ უკვე შემდგარი ექიმი ვიქნები და უშუალო შეხება მექნება ჩემს საყვარელ სფეროსთან. მიუხედავად ამისა, მიმაჩნია, რომ დღესდღეობით ჩვენს ქვეყანაში განვითარება საკმაოდ რთულია და ვიმედოვნებ, რომ ახლო მომავალში განათლება სათანადოდ დაფასდება.“

**ლაშა ლეკაშვილი:** „საკმაოდ რთული კითხვაა. მომავალი ძალიან რთულად გამოსაცნობია. მაგრამ, იმედი, რომ მომავალ წლებში გავხდები ისეთი პიროვნება, რომ ჩემი სამშობლო და ოჯახი ვასახელო და ქვეყანას გამოვადგე. მე ვფიქრობ, რომ ამ ყველაფრის მიღწევა შესაძლებელია საქართველოში, რადგან ძალიან კარგი პირობები გვაქვს და მართლა მნამს, თუ რამე გულისხმობს და იშრომებ, ყველაფერს მიაღწევ და ერთადერთი ლიმიტი ისევე ჩვენი თავია“.

**ვალერი ვარდიშვილი:** „20 წელი საკმაოდ დიდი დროა იმისათვის, რომ განვსაზღვრო სად ვიქნები, ან რა ვითარებაში, მაგრამ უკეთესისთვის ძალას ნამდვილად არ დავიმშრებ. რაც შეეხება ქვეყანას, ვფიქრობ, ჩემი თაობის ახალგაზრდებიც იგივეს ფიქრობენ და ყველა უკეთესი მომავლისათვის იშრომებს.“

**- თუ გყავთ გამორჩეული პედაგოგი, რომელთაც თქვენს ცხოვრებაში კვალი დატოვებს?**

**ლიზი თეთრაული:** „ჩემი სკოლის თითოეულმა პედაგოგმა უდიდესი როლი ითამაში ჩემი, როგორც პიროვნების ჩამოყალიბებაში. თითოეული მათგანი ბოლომდე იხარჯებოდა საგაკვეთილო პროცესის დროს, რათა თავიანთი სათქმელი ბოლომდე მოეტანათ ჩვენთვის. ყოველი მათგანი თავის მხრივ განსაკუთრებული და გამორჩეულია, მათი ღვაწლი კი დასაფასებელი.“



ტატო ბენაშვილი


**ვალერი ვარდიშვილი:** „ალბათ ჩემს დამრიგებელს, ვინც იმ ადამიანად მაქცია, ვინც ახლა ვარ. იგი საჭიროდროს მშობელი იყო და ასევე საჭიროდროს ახლო მეგობარიც, ვისთვისაც ყველანაირი ამბის გამხელა ძალიან მარტივი არის“.

**ტატო ბენაშვილი:** „ჩვენს სკოლაში ყველა პედაგოგი გამორჩეულია ჩემთვის. ყველა მათგანმა ჩემს ადამიანად ჩამოყალიბებაში დიდი წვლილი შეიტანა და მასწავლა არა მარტო საგანი, არამედ, როგორ ვიცხოვრო და რა წვლილი შევიტანო ამ ქვეყნის განვითარებაში. რომ არა ეს სკოლა და ჩემი მასწავლებლები, ბევრად უკან ვიქნებოდი და, შესაძლოა, ცხოვრებაში მიზანიც კი არ მქონოდა.“

ესაუბრა  
**ილია პარტყოფლიშვილი**



# მარინა ცხვედიაშვილის პოეზიის საღამოზე



13 ივნისს, საქართველოს მწერალთა სახლში მარინა ცხვედიაშვილის შემოქმედებითი საღამო გაიმართა, სადაც ქართული სიტყვის ნამდვილი ზეიმი შედგა. დარბაზი ვერც ხალხს იტევდა და ვერც ოვაციებს...

ქალბატონი მარინა ერთი ლექსი ნიკო ფიროსმანაშვილთან მის პოეტურ გასაუბრებას წარმოადგენს, სადაც ისეთი ალალი და გულწრფელი საუბარია, რომ შეიძლება ცრემლიც კი მოგადგეთ თვალებზე. ამ ლექსში ფიროსმანის ნახატებისთვის დამახასიათებელი სულისკვეთება სიტყვაში არის გაცხადებული და სწორედ სიტყვა გადმოგვცემს იმ სიდიადეს, რომელიც თავის დროზე ყველასგან უარყოფილ, მაგრამ ასევე ყველასგან საყვარელ და გენიალურ მხატვართან არის დაკავშირებული.

ძელია ფიროსმანის ტილოების მომხიბვლელობა სიტყვაში გააცოცხლო და პოეტურად აამეტყველო, მაგრამ შეუძლებელი რომ არ არის, ამაში ქალბატონმა მარინა ცხვედიაშვილმა

კიდევ ერთხელ დაგვარწმუნა. განსაკუთრებული ლექსი, რომელიც არდაბადებულ შვილს ეძღვნება, სადაც ქალის, როგორც პოეტური დედის შინაგანი ხმა და სულის ძახილი არის ამეტყველებული. ეს არამარტო ლექსია, არამედ საოცარი მონატრება იმ დედა-შვილობისა, რაზეც მთელი ჩვენი კაცობრიობა დგას.

შემოქმედებით საღამოს ამშვენებდა ქალბატონ მარინას მეუღლის, სახელმწიფო პრემიის ლაურეატი მხატვარის - ჯემალ კუხალაშვილის ნახატების გამოფენა, სადაც ერთ-ერთი ტილო სწორედ მარინე ცხვედიაშვილის პორტრეტს წარმოადგენს.

პოეტი მარინა ცხვედიაშვილი, მართალი ხმის, მაღალი გულისმხიერებისა და ძალიან კარგი შემოქმედებითი აზროვნების მქონე ხელოვანია.

„ქალბატონი მარინა პოეზია არის დახვეწილი, გემოვნებიანი, კეთილმოხილური, დიდებული და ნამდვილი. მისი შთაგონების წყარო მშვენიერებაა. ცნება „ლექსი“ განმარტებისთვის, თუ რა არის „ლექსი“, თუ რა არის „პოეზია“, თავისუფლად შეგვიძლია გამოვიყენოთ „მარინას ლექსი“. მარინა ცხვედიაშვილის ლექსები არის ნამდვილი პოეზია“ - ამბობს მხატვარი თამარ ლამპარაძე.

# სამუხის ველზე ლიკლიკები დაიბადნენ. ეს უკვე საქართველოში დაბადებული ქურციკების მეცხრე თაობაა! ისინი თავს კარგად გრძნობენ. მათი უმეტესობა ჯერ კიდევ ბალახებში ნოლას და დამალვას ამჯობინებს. მაკე ქურციკების სიმრავლე კი მიუთითებს, რომ უახლოეს მომავალში შეეძლება კიდევ უფრო მეტი ლიკლიკა ვიხილოთ აღნიშნულ ტერიტორიაზე.

საქართველოში ქურციკების აღდგენის პროგრამა წარმატებით მიმდინარეობს, რასაც ახალი თაობის სახით ყოველწლიური მატება და ქურციკების მზარდი პოპულაცია ადასტურებს.

აქვე აღვნიშნავთ, რომ ნუგზარ ზაზანაშვილის სახელობის სამუხის დაცული ტერიტორიის დაარსება (2023) კიდევ ერთი მნიშვნელოვანი წინგადადგმული ნაბიჯია საქართველოში ქურციკების პოპულაციის აღდგენისა და დაცვის მიმართულებით.

ბუნების დაცვის მსოფლიო ფონდი (WWF) გასული საუკუნის 60-იან წლებში საქართველოში გადა-

შენებული ქურციკების აღდგენის პროგრამას აზერბაიჯანისა და საქართველოს მთავრობებთან მჭიდრო თანამშრომლობით ახორციელებს. პროექტის ფინანსურ მხარდაჭერას უზრუნველყოფს გერმანიის მთავრობა (BMZ/KfW) და WWF-გერმანია.



# ჭიდაობის ტურნირი ზემო ქედში

ჭიდაობის ფედერაციის ორგანიზებით სოფელ ზემო ქედში გაიმართა ტურნირი, სადაც სხვადასხვა ქალაქების სპორტსმენები ასპარეზობდნენ. ტრადიციულად წარმატებული გამოდგა ადგილობრივი მოზარდების გამოსვლები. ტურნირი თამაზ ლაზვიაშვილის სახელს ატარებს.

დედოფლისწყაროს გუნდის სპორტსმენებმა 4 პირველი, 2 მეორე და სამიც მესამე ადგილი



დაიკავეს. ტურნირის ჩემპიონები კი გახდნენ: ლუკა ლაზვიაშვილი, ნიკა მუშტარაშვილი, მანო ნიკლაშვილი და ნიკა პავლიაშვილი.

ნიკა პავლიაშვილი: „ჩემთვის ეს პირველი მედალი და გამარჯვებაა, ამიტომ უფრო მეტი სტიმული მექნება, რომ უკეთესად ვივარჯიშო. სამი წელია რაც ჭიდაობაზე დავდივარ, სპორტი ბავშვობიდან ძალიან მიყვარდა, მიმზიდველი სახეობაა და ამიტომ დავინტერესდი. ეროვნულ ნაკრებში მოხვედრაზე და ოლიმპიური თამაშების მოგებაზე ვვოცნებობ.“

ლუკა ლაზვიაშვილი: „ფინალში შევხვდი თბილისელ ლუკა ცხოვრებაშვილი, რომელიც საკმაოდ ძლიერი მეტოქე იყო. თუმცა უპირატესობის მიუხედავად სუფთად მოვუგე. კისრიდან მოგვერდი გამოვიყევი და ქულები დავიმსახურე. 6 წელია ჭიდაობაზე დავდივარ. მამაჩემი, პაპაჩემი და ჩემი ნინა თაობა მოჭიდავეები იყვნენ, ამიტომ მინდოდა მეც მეჭიდავა და წარმატებას მიმეღწია. ვვოცნებობ ოლიმპიადასა და მსოფლიო ჩემპიონობაზე.“

„ზრუნავთ რა სხვა ადამიანზე, რატომაც გულშემაჯკობლად ვიბრუნებთ, რომ იზივს უნდა ვილოდოთ მისგან“.

ნარკო ლიკინი, „ლილი იმედი“.

ადამიანისათვის დამახასიათებელ განცდათა მრავალფეროვნებაში წყნის განცდას სრულიად განსაკუთრებული ადგილი უკავია როგორც შინაგანი მექანიზმის განვითარების, ისე საურთიერთო ორიენტაციის უნიკალურობის თვალსაზრისით. წყნა ერთ შემთხვევაში ცუდი გუნება-განწყობილების შედეგია, მეორე შემთხვევაში-თვითონ არის ადამიანის ცუდი გუნება-განწყობილების წყარო, მესამეში კი-როგორც ნაწყენი პიროვნების, ისე მის ახლობელ-მეგობართა მტანხველი სულიერი დამახლეობის მიზეზი ხდება. თითოეული ჩვენთაგანი ცხოვრებაში ბევრჯერ განაწყენებულია და არანაკლებ ბევრჯერ ვატყენებ გული იმათ, ვინც ხშირად არ იმსახურებდა ჩვენგან ასეთ დამკვიდრებულას.

თუ ჩვენთვის კარგად ნაცნობი შიშის განცდა ცხოველთა და ადამიანთა სამყაროს საერთო მახასიათებელია, წყნის განცდა წმინდა ადამიანურ თვისებად უნდა ჩაითვალოს (თუმცა ზოგიერთი მეცნიერი მიუთითებს ცხოველის, მაგ; ცხენის ან ძაღლის მხრიდან წყნისმაგვარი განცდის გამოვლინების მომენტებზე). პიროვნებაში წყნის განცდის აღმოცენებისათვის აუცილებელია:

1. ადამიანის (ადამიანების) მიმართ ნდობის დამოკიდებულება; 2. მისგან (მათგან) სიყვარულის ან სითბოს მოლოდინი. 3. პიროვნების ცხოვრებაში სუბიექტურად ჩამოყალიბებული სიტყვების დიაპაზონი, რომლებიც მოგვიანებით წყნის საფუძვლად გვევლინებიან. მაგ; წარმოვიდგინოთ პიროვნება, რომელიც სხვა ადამიანების მიმართ ყოველთვის გულსხმიერებით გამოირჩევა. თუ მას მიაჩნია, რომ სხვებისადმი ყურადღების ასეთი აქტიური და დადებითი გამოხატულება საერთო-სავალდებულო ნორმა უნდა იყოს, მაშინ, რა თქმა უნდა, ის სხვებიდანაც იგივეს მოელის. მეორე ადამიანი კი, მისგან განსხვავებით,

# „შენს...?!“ - წყნის განცდა

ასეთ ხასიათის საურთიერთო ნორმას სრულიად არა თვლის სავალდებულოდ და მიაჩნია, რომ ოჯახის წევრებისგან თუ უახლოესი მეგობრებისაგანაც კი არ უნდა მოელოდნენ მისი ცხადი დადებითი შინაარსის ყურადღებას. ზემოთ დასახელებული ორივე პიროვნებიდან, ცხადია, პირველს ბევრად უფრო მეტი შანსი აქვს, რომ საურთიერთო სიტუაციებიდან ნაწყენი და გულმოკლული დარჩეს, ვიდრე მეორე პიროვნებას.

აქ შეიძლება კითხვა დაიბადოს: წყნის განცდა მხოლოდ გულისხმიერ და კეთილადამიანებს თუ ახასიათებს? ცხადია, არა მხოლოდ მათ! ჩემი წყნის განცდა ერთ შემთხვევაში შესაძლოა ჩემი მცდარი წარმოდგენის შედეგი იყოს, მეორეში-იმ ადამიანისა, ვისგანაც მეწყნა, ან კიდევ ორივეს ერთად, საბოლოო შედეგს (წყენას) სწორედ შევცდომა უფრო განაპირობებს, ვიდრე ვთქვით სიკეთის ან გულისხმიერების დეფიციტი. შევცდომის არსი ჩვენს მცდარ წარმოდგენასა და მოლოდინში მდგომარეობს: ყველა (ყოველ შემთხვევაში, ჩვენი ნაცნობ-მეგობრები მანც) „მოვალეა“ ჩვენი სასიცოცხლო ინტერესებით ცხოვრობდეს, ჩვენი პრობლემები მათთვისაც აქტუალური უნდა იყოს და მისთ. ბუნებრივია, რომ რაც უფრო მეტი მოლოდინი, მით მეტი იქნება ამ მოლოდინის აუსრულებლობით გავმოწვეული წყნის განცდა. ეს კი სულაც არ ნიშნავს იმას, რომ ნაწყენი ადამიანი თვითონ აუცილებლად გულისხმიერებით ან სიკეთის ხასიათდება (ცხოვრებისეულ ურთიერთობებში).

წყნის განცდა იმდენი ხასიათისაა, რამდენი ადამიანიც ცხოვრობს ამ ცოდვილ დედამიწაზე. ყოველი ჩვენთაგანი კარგად გრძნობს საკუთარი სულის მტკივნეულ წერტილებს, დარწმუნებული ვართ, რომ სიმართლე აუცილებლად ჩვენს მხარეზეა, და არა იმის მხარეზე, ვინც ნებით თუ უნებლიედ გვანწყენინა (რაც მეტია ჩვენი „სიმართლე“, მით „უსამართლო“ ჩანს მოპირდაპირე მხარე). ამიტომ წყნის განცდაზე მსჯელობისას უკეთესი იქნება, თუ ამ პროცესის განვითარებას უფრო განზოგადებული სქემით გავიზრებთ და ამასთანავე ჩვენს საკუთარ (პიროვნულ) გრძნობიერ საწყაროს არ გამოვიყენებთ საჯილდო კვადჭმშპრტიტების განსაზღვრისათვის.

წყნა, უპირველეს ყოვლისა, სულიერი ტკივილის განცდაა. რომელი ობიექტი იწვევს აღნიშნულ სულიერ ტკივილს? შეუძლებელია რაიმე გვეწყინოს უსულო სხეულის, ან ბუნების მოვლენებისაგან, რაც არ უნდა დიდი უსი-

მონება მოგველოდეს მათგან. იშვიათია, რომ რაიმე გვეწყინოს ჩვენი მოსისხლე მტრისაგან, რადგან მისგან ისედაც მხოლოდ უსიამოვნებას მოველოთ, წყნის განცდა გვეუფლება უპირატესად მახლობელი ადამიანის მიმართ (ადამიანებს შორის ეს სახელო შეიძლება იყოს როგორც განცხადებული, ისე-მხოლოდ ინტუიციური). სხვათაგან რომ ითქვას, წყნა შეიძლება აღმოცენდეს მხოლოდ ურთიერთობის დროს, როდესაც ამ ურთიერთობის მონაწილე სუბიექტებს შორის (ან ერთ-ერთის მხრიდან) არსებობს გარკვეული არაფორმალური ურთიერთგულისხმიერებისა და ურთიერთმოვალეობის განცდა. მნიშვნელოვანია აგრეთვე მეორე ადამიანის შესაძლებლობების ცოდნაც, ხშირად ჩვენ შეიძლება ისეთ რაიმეს ველოთ მისგან, რის აღსრულებაც მას საკუთარ შესაძლებლობის ან ობიექტური პირობების გამო უზარალოდ არ შეუძლია.

მრისხანების, სიზარალულის, სიძულვილის ან სიყვარულის განცდა შესაძლოა სრულიად უცნობი ადამიანის მიმართაც გავგვიჩნდეს, მაგრამ ეს დამოკიდებულია როგორც მის ქცევაზე, უსუსტზე ან სიტყვაზე, ისე ჩვენს გუნება-განწყობაზე. წყნის განცდის აღმოცენებას სულ სხვა მდგომარეობა სჭირდება. მტრისაგან არაფერი გვეწყინება, რადგან მის მიმართ უკვე გვაქვს განცდა - სიძულვილი, სუსტი არსებისადმი წყნით კი არა, სიზარალუით ხან კიდევ მისი უსუსურობით გამოწვეული გულმოსულობით ვართ განწყობილები. წყნის განცდის აღმოცენება რომელიმე ადამიანის სახით მყარ „სამიზნეს“ ითხოვს, რადგან წყნის განცდის მექანიზმში განსაკუთრებული ადგილი უჭირავს ჩვენივე შეგრძნებას, რომ წყნის ჩემი უფრო განცდა გასაგები გახდება ადამიანებისათვის, რომელმაც გვანწყენინა და ვიმედოვნებთ, რომ ეს ცნობა მასში აუცილებლად გამოიწვევს უხერხულობას, ჩადენილი დანაშაულის ან სინდისის ამბობების მდგომარეობას. თუ მრისხანება უმეტესად სხვა ადამიანის დასჯის გარეშულ ფორმებზეა ორიენტირებული (ფიზიკური შეურაცხყოფა, ლანძღვა და მისთ). ჩვენში აღძრული წყნის განცდა „დამნაშავის“ დასჯის შინაგან, ღრმად პიროვნულ ფორმებს ეძიებს. ნაწილობრივ ამითაც არის გამოწვეული, რომ ბუნების მოვლენებისაგან ან მტრისაგან არაფერი გვეწყინება, რადგან მათ ვერ აღვუძრავთ ჩვენდამი ჩადენილი დანაშაულის შეგრძნებას.

ამრიგად, წყნა, ერთდროულად სულიერი ტკივილიც არის და ამ ტკივილის განცდის განვითარებისათვის მიმართული პროტესტიც,

პასი გიგოლაშვილი, ფსიქოლოგი



# სასოფრეული ხელფასი საქართველოში

**რას ნიშნავს სასოფრეული ხელფასი?**  
საცხოვრებელი ხელფასი არის ხელფასის ის ოდენობა, რომელიც ფარავს მშრომელთა ღირსეული ცხოვრებისათვის აუცილებელ და ძირითად საჭიროებებს. სასოფრეული ხელფასი უნდა უზრუნველყოფდეს ისეთ საბაზისო ხარჯებს, როგორცაა კვება, ტანსაცმელი, საცხოვრებელი, განათლება, ჯანდაცვა, ტრანსპორტირება და სხვა მნიშვნელოვანი საჭიროებები. სასოფრეული ხელფასი ასევე უნდა ფარავდეს გაუთვალისწინებელ ხარჯებს და რაც მთავარია, მისი გამოუმუშავებისათვის მშრომლებს არ უნდა გაჭირვებოდეთ ზეგანაკეთიური შრომა — სასოფრეული ხელფასის მიღება შესაძლებელი უნდა იყოს ერთ სამუშაოზე დასაქმების შემთხვევაშიც.

საცხოვრებელი ხელფასი განსხვავდება „საარსებო ხელფასისგან“. საარსებო ხელფასი წარმოადგენს მინიმალურ ანაზღაურებას, რომელიც ვერ უზრუნველყოფს მშრომელის ღირსეულ ცხოვრებას და ის მხოლოდ საარსებო აუცილებელ ხარჯებს ფარავს. სასოფრეული ხელფასი მინიმალური ხელფასისგანაც უნდა განსხვავდებოდეს. უკანასკნელი არის კანონმდებლობით განსაზღვრული მინიმალური ანაზღაურება, რომელიც დამსაქმებლებს შეუძლიათ კანონიერად გადაუხადონ თანამშრომლებს. განსხვავების მიუხედავად, მინიმალური ხელფასი პრაქტიკაში შესაძლოა დამოკიდებული იყოს სასოფრეული ხელფასზე ან/და მათი ოდენობა ერთმანეთს. სასოფრეული ხელფასი უნდა ფარავდეს: კვებას, ტანსაცმელს, საცხოვრებელს, განათლებას, ჯანდაცვას, ტრანსპორტირებას, სხვა საჭიროებებს, მოულოდნელ ხარჯებს. რამდენი უნდა იყოს სასოფრეული ხელფასი საქართველოში? 1,770 ყოველთვიურად (გამოთვლილი, 2022 წლის ოქტომბერში, Wage Indicator Foundation-ის მიერ.) რატომ არის მნიშვნელოვანი სასოფრეული

ხელფასის გადახდა? დასაქმებულებისთვის სასოფრეული ხელფასის გადახდის მრავალი მიზეზი არსებობს, თუმცა, მათ შორის მთავარი საკუთარი შრომით მიღებულ შემოსავალსა და ღირსების დაცვასთან ურთიერთკავშირია. მშრომლები, რომლებიც თავის დროსა და ენერჯიას დამსაქმებელს ახმა-რენ, უფლება აქვთ მიიღონ საკმარისი და ღირსეული ცხოვრებისათვის აუცილებელი ანაზღაურება. ისეთ საზოგადოებაში ცხოვრება, სადაც მშრომლები ქრონიკულად დაბალ ანაზღაურებას იღებენ და ვერ ახერხებენ გაჭირვებიდან თავის დაღწევას, სასტიკი, გაუსაძლისი და გრძელვადიან პერსპექტივაში არამდგრადია. დამსაქმებლები, რომლებიც იხდიან სასოფრეულ ხელფასს, ხელს უწყობენ საქართველოში თანასწორი, სამართლიანი და სტაბილური სასოფრეული გარემოს შექმნას.

საცხოვრებელი ხელფასის გადახდას აქვს კომპანიებისთვის უზარმაზარი ეკონომიკური სარგებლის პოტენციალი. სინამდვილეში, სასოფრეული ხელფასის გადახდა წარმოადგენს ერთ-ერთი ყველაზე ჯანსაღ ინვესტიციას, რომლის განხორციელებაც ბიზნესს შეუძლია. უპირველესად, მშრომლების უკეთესი ხელფასი ნიშნავს, რომ მათ მეტი ფული აქვთ დასახარჯად, რაც ხელს უწყობს ეკონომიკის ზრდას. ამასთან, კომპანიები ხშირად ჩივიან, რომ ვერ პოულობენ ან ინარჩუნებენ კარგ კადრებს. სასოფრეული ხელფასი კი, თავის მხრივ ეხმარება ამ პრობლემის მოგვარებას. უკეთესი ხელფასი ზრდის თანამშრომელთა კეთილდღეობასა და ჯანმრთელობას, ზრდის მათ ერთგულებას და კარგი კადრებიც ნაკლებად გადაიან პროფესიიდან. მშრომლები, რომლებიც უფრო დიდხანს რჩებიან სამსახურში, როგორც წესი, უკეთესად ასრულებენ მათთვის დაკისრებულ მოვალეობებს, რა-

მაც, თავის მხრივ, შეიძლება გააუმჯობესოს პროდუქტიულობა. და ბოლოს, სასოფრეული ხელფასის გადახდა შეიძლება გააუმჯობესოს კომპანიის რეპუტაცია. სასოფრეული ხელფასის გადახდით კომპანიას შეუძლია აჩვენოს მომხმარებლებს, რომ ბიზნესის კეთებასთან ერთად ის საზოგადოების კეთილდღეობაზეც ზრუნავს.

**რამდენია რეალური ხელფასი საქართველოში?**  
სამსუხაროდ, საქართველოში არსებული ხელფასები ამჟამად სასოფრეულ ხელფასზე გაცილებით დაბალია. კანონმდებლობით განსაზღვრული მინიმალური ხელფასი თვეში 20 ლარია და 1999 წლის შემდეგ არ განახლებულა.

სახელმწიფოს მონაცემების თანახმად, მედიანური ხელფასი — თანხა, რომელიც მშრომლებს ორ თანაბარ ჯგუფად ყოფს — 2021 წლისთვის თვეში 900 ლარი იყო. ეს ნიშნავს, რომ დასაქმებულთა 50% ამ თანხაზე ნაკლებს იღებს. საშუალო ხელფასიც კი 2021 წელს, თვეში მხოლოდ 1305 ლარი იყო, რაც სასოფრეულ ხელფასზე გაცილებით დაბალია. როგორ ვაქციოთ სასოფრეული ხელფასი რეალურად? ამაზე სწრაფი და მარტივი პასუხი არ არსებობს. ჩვენთვის სასურველ გარემოში ცხოვრება, დროს, მცდელობებს და შემოქმედებით მიდგომებს საჭიროებს. თუმცა, არსებობს კონკრეტული ნაბიჯები, რომელიც თქვენ შეგიძლიათ გადადგათ უკეთესი სახელფასო პოლიტიკის შექმნის პროცესში; 1. შენი ხელფასის გაუმჯობესების საუკეთესო გზაა, სხვა მშრომელ ადამიანებთან პროფკავშირში გაერთიანება, რომ,



როგორც გუნდმა, ერთად იმუშაოთ საერთო საქმისთვის, მოლაპარაკების ძალის გასაძლიერებლად, უკეთესი ხელფასისა და სამუშაო პირობების დასაწინააღმდეგოდ. 2. არჩევნებში მონაწილეობასა და სწორი არჩევანის გაკეთებას, დიდი მნიშვნელობა აქვს. ხმა იმათ მიეცით, ვინც შრომითი უფლებების დაცვასა და უკეთეს სახელფასო პოლიტიკას პროორიტეტად მიიჩნევს. 3. ყველა ბიზნესი, თანასწორად არ ეპყრობა დასაქმებულებს. მხარი დაუჭირე მათ, ვინც სამართლიან ანაზღაურებას უხდის თანამშრომლებს. ჩვენი აქტიურობით, შეგვიძლია გავლენა ვიქონიოთ მათ საქმიანობაზე. და ბოლოს, ყველა რიცხვსა და მონაცემზე მაღლა დგას ადამიანის უფლებათა საყოველთაო დეკლარაცია და მისი №25 მუხლი: „ყველას აქვს უფლება ჰქონდეს ცხოვრების ისეთი დონე, საკვების, ტანსაცმლის, საცხოვრებლის, სამედიცინო და საჭირო სოციალური მომსახურების ჩათვლით, რომელიც აუცილებელია თავად მისი და მისი ოჯახის წევრების ჯანმრთელობისა და კეთილდღეობისთვის“.

# რატომ ვრეაბირებთ ამინდზე

ის ფაქტი, რომ ამინდი მოქმედებს ადამიანზე, უდავოა. ადამიანთა რაოდენობა, რომლებიც გრძობენ ამინდის ცვლილებას, მუდმივად იზრდება. ნელს გაზაფხულიც და ზაფხულიც უჩვეულოდ გრილი იყო. ამინდი ივნისშიც ხშირად იცვლება. ადამიანებს მიაჩნიათ, რომ ამინდის ცვლილება მათ ჯანმრთელობაზე მოქმედებს. ადამიანთა რაოდენობა, რომლებიც გრძობენ ამინდის ცვლილებას, მუდმივად იზრდება. ამინდის ცვლილებასა და ჯანმრთელობას შორის ურთიერთობა ძველ დროში შეინიშნეს. ბერძნული აესკულაპიუსი თავის ნაწერებში დეტალურად აღწერს, თუ როგორ ახდენს ამინდი გავლენას ადამიანზე. რა თქმა უნდა, ჩვენს დროში, მეცნიერებმა გაცილებით მეტი იციან ამ ეფექტის შესახებ.

„უამინდობა“ პირობითი ცნებაა და დარის საპირისპიროდ ავდრის აღსანიშნავად არის შემოღებული, თორემ უამინდობა არ არსებობს. ყოველი დღე თავისებური ატმოსფერულ-კლიმატური მაჩვენებლებითა და ჰიდრომეტეოლოგიური ეფექტებით გამოირჩევა. სხვაგვარად რომ ვთქვათ, ყოველი დღე თავისებურად გამოირჩევიან ამინდით, განსხვავებული იმისა და მიხედვით, როგორია იმ დღეს ატმოსფერული ჰაერის ცირკულაციის ხარისხი, ტემპერატურული მაჩვენებელი, გეომაგნიტური ველის დაძაბულობისა და ნალექთა გადახანტილების დონე. ყველა ჩამოთვლილი ფაქტორი თავისებურ გავლენას ახდენს უმაღლესი ნერვული ცენტრების მოქმედებასა და ორგანიზმში მიმდინარე ფიზიოლოგიური პროცესების რეგულაციაზე.

ასე, მაგალითად, ამინდის შესაბამისად იცვლება არტერიული წნევა, სუნთქვისა და პულსის სიხშირე, უჯრედთა მემბრანების განვლადობა, ენდოკრინული ანუ მინერალური

სეკრეციის ჯირკვლების ფუნქციონირება, სისხლის ქიმიური შემადგენლობა - მასში შაქრის, კალციუმის, ნატრიუმის, მაგნიუმისა და ფოსფატების შემცველობა. ქიმიური შემადგენლობის ცვლილებებიდან გამომდინარე, იცვლება სისხლის თვისობრიობაც, მაგალითად, შედეგებისა თუ ფიზიოლოგიის (ფერმენტული რეაქციების შედეგად ფიბრინის კოაგულის გახსნის) პროცესები. აღნიშნული ბიოლოგიური მაჩვენებლები მთლიანობაში განსაზღვრავენ ადამიანის ორგანიზმის ფიზიოლოგიურ კომფორტსა თუ დისკომფორტს, ამის კვალობაზე კი - განწყობასაც.

არსებობს სხვა მოსაზრებაც იმის თაობაზე, თუ რატომ ვრეაბირებთ ამინდზე ჩვენი ორგანიზმი. მეცნიერთა აზრით, მეტეო-დამოკიდებულება ორგანიზმის ისეთი მდგომარეობაა, რომლის დროსაც ადამიანის თვითშეგრძნებაზე არსებით გავლენას ძირითადად ატმოსფერული წნევის მერყეობა ახდენს. ბუნებრივია, იბადება კითხვა, როგორ აისახება ეს გავლენა ადამიანის თვითშეგრძნებაზე. საქმე ის არის, რომ ატმოსფერული წნევის მერყეობა ძლიერ მოქმედებს უჯრედთა მემბრანაზე. ამის გამო აქტიურდება ნივთიერებათა ცვლის ზოგიერთი პროდუქტი, განსაკუთრებით - ჰომოტოქსინები. ყოველივე ეს ორგანიზმში სერიოზულ ძვრებს იწვევს და, საბოლოოდ, დიდ დისკომფორტს უქმნის ადამიანს. შეიძლება თუ არა ამასთან ბრძოლა? შეიძლება! - მიაჩნიათ ამ თეორიის მომხრეებს. მეტეო-დამოკიდებულების თერაპია, უპირველეს ყოვლისა, იმუნიტეტის განმტკიცება-გაძლიერებას და ორგანიზმიდან ტოქსინების გამოდევნას ეფუძნება. ლოგიკა მარტივია: რაც უფრო ნაკლებად არის დაბინძურებული ორგანიზმი, მით უფრო ძლიერია ის და მით უფრო ნაკლებად ემორჩილება ატმოსფერული წნევის მერყეობის გავლენას.

ჯანმრთელი ადამიანის ორგანიზმში საუკეთესო სადაპტაციო მექანიზმებს ფლობს და ამინდის ცვლილება მასზე პრაქტიკულად არ მოქმედებს. ის დინამიკურ წონასწორობაშია გარემო პირობებთან. ამ უკანასკნელთა ცვლილება არათუ უარყოფითად არ აისახება ორგანიზმზე, პირიქით, ორგანიზმი ცალკეული

სისტემების გააქტიურებას და მათი ფუნქციის ერთგვარ ტრენირებასაც კი იწვევს. ამინდის ცვლილებისადმი განსაკუთრებით მგრძობიარენი არიან ქრონიკული ავადმყოფები. ჰაერის ტემპერატურულ მაჩვენებელსა და ტენიანობის ხარისხს დიდი მნიშვნელობა აქვს გულ-სისხლძარღვთა, სასუნთქი და ძვალსასხროვანი სისტემის ფუნქციონირებისთვის. ჰაერის ამ ორი მაჩვენებლის ერთდროული ზრდა არასასურველ გავლენას ახდენს ჰუმორულ რეგულაციაზე, ადამიანს ეცვლება გულის ელექტრული აქტივობა, უქვეითდება შრომისუნარიანობა, უუარესდება თვითშეგრძნება და განწყობა. თბილი ამინდების შემდეგ მკვეთრი აცხვება, მით უფრო - ქართა და მაღალი ტენიანობით როგორც დაბალი, ასევე მაღალი ატმოსფერული წნევის პირობებში ზრდის პერიფერიული სისხლძარღვთა ტონუსს და უარყოფითად მოქმედებს გულ-სისხლძარღვთა სისტემის დაავადებების მქონე ადამიანებზე. აცივებისას მათ განსაკუთრებით მკაცრად უნდა დაიცვიან მკურნალობის რეჟიმს და შესაძლოა ექიმის დანიშნულება. ისინი, ვისაც სასუნთქი სისტემის (ბრონქებისა და ფილტვების) და სახსრების დაავადება აქვს, უნდა ერიდონ გაცივებას, მოუკლონ სეირნობას და მოძრაობით აქტიურობას.

**ამინდი და განწყობილება**  
ქარსა და წვიმაში უმრავლესობას სევდა, უფუნებოა ეუფლება, თუმცა ეს მხოლოდ ატმოსფერული ეფექტების ვიზუალური აღქმის შედეგი როდია. მართალია, ადამიანის ორგანიზმს არ გააჩნია ელექტრომაგნიტური ველის ცვალებადობის აღქმელი მაღალგრძობიარე წარმონაქმნები, მაგრამ ატმოსფეროს გეომაგნიტური ველის ცალკეულ მაჩვენებელთა მერყეობას ორგანიზმა სისტემები სხვადასხვა ძვრით პასუხობენ. იცვლება ნივთიერებათა ცვლის პროცესები, ნეირონთა განმუშავების სიხშირე, ტენიანობა და გულის ბიოდეენების მაჩვენებლები. ამინდი ფსიქიკური დაავადების უშუალო მიზეზი არ არის. ის დამატებითი სტრესფაქტორია, განსაკუთრებით - მათთვის, ვინც ფაქიზად რეაგირებს ამინდის ცვალებადობაზე. ზოგიერთ ქვეყანაში დადგენილია პირდაპირი კავშირი თბილ, მშრალ ქარსა და ფსიქიკურ დარღვევებთან გამწვავებას შორის.  
**რა უნდა გაითვალისწინოთ**  
1) ტემპერატურის 8-10 °C-ით დაცემისას და უეცარი აცივებისას ხდება უჯრედებიდან ჰისტამინის განთავისუფლება



და ალერგიულ რეაქციათა პროვოცირება. ასომით დაავადებულები ამ დროს განსაკუთრებული რისკის ჯგუფს ქმნიან. მათ თბილი შენობიდან გასვლისას შესაძლოა შეტევა დაეწყოს. ვურჩევთ, ასეთ ამინდში ნაკლები ჭამონ, მაქსიმალურად ერიდონ შემწვარ-მოხრაკულს, ცხარეს, შოკოლადს, ციტრუსებს, ალკოჰოლსა და ტკბილეულს. უარი თქვით მონევაზე და რაც მთავარია, მოერიდეთ თამბაქოს კვამლით დაბინძურებულ გარემოში ყოფნას, შენობა, რომელშიც იმყოფებით, სველი წესით დააალაგეთ და გაანიავეთ. 2) ატმოსფერული წნევის მკვეთრი ცვალებადობის (ადამიანის ორგანიზმისათვის კომფორტულია 750-760 მმ. ვწყ. სვ.) ანუ დღე-ღამეში 7-8 მმ. ვწყ. სვ-ით ვარდნისას მცირდება ატმოსფეროში ჟანგბადის შემცველობა, რის გამოც განსაკუთრებული დატვირთვა ადგება სასუნთქი და გულ-სისხლძარღვთა სისტემებს. სუსტ და ავადმყოფ ადამიანებს ჟანგბადოვანი შიშილი - სისუსტე, ქოშინი, ჰაერის უკმარისობისა და სულსთთვის შეგრძნება ეუფლებათ. ასეთ დღეებში, მით უფრო - ჰაერის ტენიანობის მომატებისას, განსაკუთრებული ყურადღება მიაქციეთ ჯანმრთელობას. ნუ გადაიტვირთებით და გადაიდლებით, შესარულეთ სუნთქვითი ვარჯიშები, დღეში რამდენიმეჯერ მსუბუქად ივარჯიშეთ, მიირთვით უფრო მეტად კალიუმის შემცველი პროდუქტები - ბანანი, კანიანად მოხარშული კარტოფილი, გარგარის ჩირი, ჩამიჩი. იზრუნეთ სისხლძარღვების მდგომარეობაზე. 3) იცხოვრეთ ჯანსაღი წესით და გაიკაჟეთ ორგანიზმი. ამისთვის ბევრი იარაღი უფრო მარტივად მოგცემთ, ირბინეთ, თუ არა და რეგულარულად ისეირნეთ, ყოველდღე ივარჯიშეთ (დღეში ორჯერ 10-15 წუთი საკმარისია). ზაფხულიდან შეეჩვიეთ კონტრასტულ შხაპსა და ტანის დაზელას (თუ სიცხვისა არ გეშინიათ, შეგიძლიათ, ეს პროცედურები შემოდგომაზეც დაიწყოთ). ყურადღება მიაქციეთ კვების რეჟიმს და დროს ნუ დაინანებთ დასვენებისთვის. **გახსოვდეთ, ამინდზე რეაქცია სრულიად ბუნებრივი მოვლენაა. ეცადეთ, სულით არ დაეცეთ, ივარჯიშოთ, გაკაჟდეთ, რადგან ძლიერ ორგანიზმს უარყოფითი ფაქტორთა გავლენა ვერაფერს აკლებს.**



# 13 ივნისის ტრაგედიიდან 8 წელი გავიდა

„მზე ისევ გაათბობს თბილისს და აღარ იწყობს „ცა მქტ“. მე რა დამავიწყებს ივნისს, მე რა დამავიწყებს ცამეტს!“

საქართველო 2015 წლის 13 ივნისს იხსენებს. ზოგი ამ ლექსით, ზოგი ფოტოებით, ჰეშთაგებით, ზოგი კი ისტორიებით, რომლებიც თავად გადახდათ.

21 დაღუპული, ორი დაკარგული და ათასობით დაზარალებული მოქალაქე - 13 ივნისის სტიქიიდან რვა წელი გავიდა. ეს მოვლენა ისტორიაში კი ასე შევიდნა - წყალდიდობა მდინარე ვერეს ხეობაში, თბილისში, 2015 წლის 13 ივნისს. სტიქიამ 21 ადამიანის სიცოცხლე შეინირა და აქედან იდენტიფიცირებულია 17 ადამიანი. ამ დღეს თითქმის მთლიანად განადგურდა თბილისის ზოოპარკი, ცხოველების დიდი ნაწილი წყალდიდობას ემსხვერპლა, გარკვეულმა ნაწილმა კი ვოლიერებს თავი დააღწია და ქალაქში გაიქცა. თბილისის ქუჩებში 5 ლომი, 6 ვეფხვი, 6 დათვი და 13 მგელი აღმოჩნდა, კამერებმა გამართა მოედანზე ბეჭე-მითი დააფიქსირეს. იგი ვეტერინარებმა დააძინეს და ისე გადაიყვანეს ვოლიერში. სტიქიური უბედურება 13 ივნისს გვიან ღამით დაიწყო და 14 ივნისის დილაამდე გაგრძელდა.

მდინარე ვერეს გარდა, ადიდა და კალაპოტიდან გადმოვიდა მდინარე მტკვარიც, მარჯვენა სანაპიროზე ჩარჩენილი ხალხის ევაკუაცია ექსტრემალურ პირობებში ჩატარდა. სამამულო სამსახურები საგანგებო რეჟიმში მუშაობდნენ, სტიქიური უბედურების ცხელ წერტილებში იმყოფებოდნენ პრემიერ-მინისტრი ირაკლი ლარიბაშვილი, კახა კალაძე და დავით ნარმანი. სტიქიის ზონაში იმყოფებოდა აგრეთვე საქართველოს პრეზიდენტი გიორგი მარგველაშვილი, რომელიც ადგილზე გაეცნო არსებულ მდგომარეობას. ამასთანავე, პრეზიდენტის ადმინისტრაციამ თბილისის მერიას ფინანსური დახმარება გაუწია.

ტრაგედიას გამოეხმაურა ილია II,



რომლის თქმით, თბილისის ზოოპარკი თავის დროზე კომუნისტების მიერ ეკლესია-მონასტრების გადამდნარი ზარების ხარჯზე დაარსდა და ის იმ ადგილას, სადაც არის, ვერ გაიხარებს.

სტიქიის შედეგად მიყენებულმა მატერიალურმა ზარალმა დაახლოებით 50 მილიონი ლარი შეადგინა.

სტიქიურ უბედურებას შეენირა 19 ადამიანის სიცოცხლე, დაკარგულია 6 ადამიანი და 200-ზე მეტი უსახლკაროდაა დარჩენილი. დაღუპულებს შორის იყო ზოოპარკის სამი თანამშრომელი და მამულები.

სანახევროდ დაინგრა ვაკე-საბურთალოს დამაკავშირებელი ესტაკადა, რომელიც 2010 წლის შემოდგომაზე გაიხსნა და მის მშენებლობაზე, ათეულობით მილიონი ლარი დაიხარჯა. დატბორილია ნუცუბიდის პლატო. ვერეს ხეობაში მდებარე სახლები წყლის ქვეშ მოექცა. ჩამოინგრა კაზინო „ვეროპას“ კედელი. ასევე, ადიდებულმა მდინარემ მთლიანად გაანადგურა ბიზნესმენ თამაზ ელიზბა-რაშვილის ძაღლების თავშესაფარი და იქ მცხოვრები ძაღლების უმეტესობა იმსხვერპლა. ასევე, თავშესაფარში ცხოვრობდნენ დათვებიც და ყველა მათგანი დაიხრჩო.

ქალაქის ცენტრში გამოქცეული ცხოველების რაღაც ნაწილის ლიკვიდაცია აუცილებელი გახდა, რადგან შეუძლებე-

ლი იყო მათი დაძინება, ამის მიზეზი კი იყო, რომ ყველაზე ძლიერი დამაძინებელი ნამალიც კი მინიმუმ 3-4 ნუთმი იწყებს მოქმედებასა და ცხოველის დაძინებას. ეს დრო კი, ვეფხვისა და ლომისათვის სრულიად საკმარისია, რომ გაანადგუროს მასთან ახლოს მყოფი ადამიანი და შეინიროს მისი სიცოცხლე. ამან ხალხში დიდი უკმაყოფილება გამოიწვია. სწორედ ამიტომ, ეს ყველაფერი თავად ზოოპარკის დირექტორმა, ზურაბ გურიელიძემ შეატყობინა მოსახლეობას, რომელიც აპროტესტებდა ცხოველების დახოცვის ფაქტს. მაგრამ, თავად ზურაბ გურიელიძე ამბობს, რომ ცხოველების ლიკვიდაცია ბრძანება არ ყოფილა და ეს მხოლოდ იმ შემთხვევაში უნდა მომხდარიყო, თუ მტაცებელი ვინმეს თავს ესხმოდა, ან მასზე თავდასხმას აპირებდა.

15 ივნისის საღამოსთვის, ზოოპარკის თანამშრომლებისა და მისი დირექტორის განცხადებით, საქართველოს დედაქალაქში უკვე აღარც ერთი მტაცებელი ცხოველი არ იმყოფებოდა. ზოგი მათგანი დააძინეს და შემდეგ დააბრუნეს ზოოპარკში, ხოლო ზოგი მათგანი, ადგილზევე იქნა ლიკვიდირებული. თუმცა, გაუთვალისწინებელი შემთხვევა მაინც მოხდა - 17 ივნისს, ლაგუნა ვერეს მიმდებარე ტერიტორიაზე, ერთ-ერთ საწყობში დამალულმა ვეფხვმა ოთხი თანამ-

შრომლიდან ერთის სიცოცხლე შეინირა, ხოლო დანარჩენებმა მისგან გაქცევა მოახერხეს. ორსაათიანი სპეცოპერაციის შედეგად, ვეფხვი მოკლეს.

მდინარე ვერეს ადიდების შედეგად გამოწვეული წყალდიდობა და მსხვერპლი თბილისში პირველი არ არის. პირველად არ მომხდარა არც ზოოპარკის დატბორვა. ვერე ადიდა და ქალაქის მოსახლეობას სერიოზული პრობლემები შეუქმნა 1960 და 1963 წელს, ასევე 1972 და 1995 წლებში. განსაკუთრებით მძიმე სიტუაცია იყო 1972 წელს, როცა ზოოპარკი მთლიანად დაიტბორა, წყლის ნაკადმა კი საცხოვრებელი სახლები დატბორა და მანქანები მტკვარში ჩაიტანა. იყო მსხვერპლიც.

თბილისში 13-14 ივნისს მომხდარი სტიქიის შედეგად დაღუპულთათვის პატივის მისაგებად, საქართველოს მთავრობის განკარგულებით, 15 ივნისი გლოვის დღედ გამოცხადდა.

2015 წლის 16 ივნისის ტრაგედია იქცა ეროვნული ერთიანობის თარიღად.

სტიქიის სალიკვიდაციო სამუშაოებში ათასობით ახალგაზრდა ჩაერთო. შიშველი ხელებით, ნიჩბებითა თუ ხელთათმანებით შეიარაღებულმა მოხალისეებმა დატბორილი ტერიტორიების განწმენდა დაიწყეს.

მოხალისეთა ნაწილი სტიქიის ზონაში ფიზიკურად შრომობდა, მეორე ნაწილი კი მათ საკვებითა და წყლით ამარაგებდა. მათ რიგებს შეუერთდნენ სასულიერო პირები, პოლიტიკოსები, ჯარისკაცები, სპორტსმენები, სტუდენტები და ხელოვანები.

დაზარალებული, უსახლკაროდ დარჩენილი მოსახლეობის დასახმარებლად რეგიონებიდან იგზავნებოდა ტანსაცმელი, საკვები და პირველადი დახმარების ნივთები.

მომზადდა ილია შილაშვილი

## თავისუფლების აღკვეთისა და თანხის გამოძალვისთვის 4 პირი დააკავეს

შინაგან საქმეთა სამინისტროს კახეთის პოლიციის დეპარტამენტის დედოფლისწყაროს რაიონული სამმართველოს თანამშრომლებმა, ცხელ კვალზე ჩატარებული ოპერატიული ღონისძიებებისა და საგამოძიებო მოქმედებების შედეგად, სამთავრობო მცხოვრები მამაკაცისთვის თავისუფლების უკანონო აღკვეთისა და თანხის გამოძალვის ბრალდებით დედოფლისწყაროში 4 პირი დააკავეს.

როგორც შსს-ს პრესცენტრიდან გაზეთ „შირაქს“ აცნობეს, 2003 წელს დაბადებული მ.ბ., 2001 წელს დაბადებული გ.მ., 1989 წელს დაბადებული მ.ს. და პირობითი მსჯავრის ქვეშ მყოფი, 1994 წელს დაბადებული თ.ლ. წინასწარი შეთანხმებით ჯგუფის მიერ, ძალადობის გამოყენებით, თავისუფლების უკანონო აღკვეთისა და ჯგუფურად ჩადენილი გამოძალვის ბრალდებით არიან დაკავებულები. ერთი დაკავებული სოფელ სამთავროდანაა, სამი კი დედოფლისწყაროდან.

გამოძიებით დადგინდა, რომ ბრალდებულებმა ფულადი სარგებლის მიღების მიზნით, 1972 წელს დაბადებული გ.ც. მისი საცხოვრებელი სახლიდან მოტყუებით გამოიყვანეს, ფიზიკურად იძალადეს და სიცოცხლის მოსპობის მუქარით თავისუფლება აღუკვეთეს. სამართალდამცველებმა, ცხელ კვალზე ჩატარებული საგამოძიებო მოქმედებების შედეგად, დანაშაულის ჩამდენი პირები, მომხდარიდან მალევე დააკავეს.


როგორც „შირაქმა“ გაარკვია, სამთავრობო მცხოვრებმა გურამ ცეცხლაძემ მისივე მეზობლისგან ისესხა 2000 ლარი, დაკავებული პირები მისგან ამ თანხის დაბრუნებას ითხოვდნენ. დაკავებამდე ისინი სოფელ სამთავროში ლუდს ერთად სვამდნენ, მათ შორის საუბარი ვალის დაბრუნებაზე ჩამოვარდა, რა დროსაც ცეცხლა-

ძემ განმარტა, რომ კარტაზე ჰქონდა და თანხის მოსახსნელად ქალაქ დედოფლისწყაროში ამოვიდნენ. დაკავებულების ოჯახში ჰყვებიან, რომ საბანკო ბარათზე ფული არ აღმოჩნდა და ვინაიდან ღამე იყო, ცეცხლაძე სოფელში აღარ დაბრუნებულა და მათთან სახლში, ე.წ. „მიკრორაიონში“ მდებარე კორპუსში დარჩა. მეუღლეს კი შეატყობინა, რომ დედოფლისწყაროში რჩებოდა. სწორედ მისმა მეუღლემ დარეკა პოლიციაში.


დაკავებულის მხარე გამოძიების ოფიციალურ ვერსიას უარყოფს და გაზეთ „შირაქთან“ ამბობს, რომ გატაცება, ან პირის იძულებით გადაყვანა არაა და მომხდარა და მამაკაცი სოფლიდან რაიონულ ცენტრში თავისივე სურვილით წამოვიდა. ისინი ასევე აზუსტებენ, რომ ამ პროცესში ცეცხლაძეს მესაზღვრეებთანაც ჰქონდა საუბარი და თავისუფლად შეეძლო მათთვის დახმარება ეთხოვა.

„შვილი ჰყავდა ავად და ამიტომ ისესხა ფული. ჩემი ძმა ეუბნებოდა, ნაწილ-ნაწილ მაინც მომეცი, მეც მაქვს ოჯახიო. ბოლო დროს სულ ატყუებდა, ხვალ მოგცემ, შემდეგ თვეში მოგცემო. ვალი რომ არ დაებრუნებინა, ბოლოს იქით იჩივლა. ჩვენ აუცილებლად ვიდავებთ და პასუხს ვაგებინებთ. თავისი ფეხით ჩაუჯდა ბიჭებს მანქანაში და დედოფლისწყაროში გამოყვა. როცა ნახეს ფული არ იყო, ხვალ დავარიცხინებო. უკვე გვიანი ღამე იყო, დაახლოებით 3 საათი, რაღაც იზამდნენ, ჩემს ოჯახში დარჩა. ცოლმა არ ინერვიულოს, დავერეკე რომ აქ ვრჩებიო და ელაპარაკა ცოლს. თუ გატაცება იყო, დარეკვის საშუალებას რატომ მისცემდნენ? მეერე კი მისმა ცოლმა დარეკა 112-ში, თითქოს გაიტაცეს. ამაზე თვითონ გურამმა უთხრა ცოლს, რატომ დარეკე, არავის გავუტაცებია. ჩემს სახლში, დედაჩემთან ერთად ყავას სვამდა, როცა პო-

ლიცია მოვიდა და ესაა გატაცება? გამთენიას 6 საათისკენ პოლიცია რომ მოვიდა, მხოლოდ გურამი წაიყვანეს და მეორე დღეს ბიჭები დააკავეს. თუ გატაცება და გამოძალვა იყო, მაშინვე მოეხდინათ რეაგირება. მანამდე, ვიდრე სოფელში ლუდს სვამდნენ, მესაზღვრეებმა კითხეს პრობლემა ხომ არ გაქვთო. გურამ



მი მათთან მივიდა და უთხრა, ჩემი ახლობლები არიან, მალე წავალთო. ცხენი დავკარგეთ და ვეძებთო, ასე მოატყუა. როცა მესაზღვრეებთან მივიდა, ხომ შეეძლო, თუკი საფრთხეს გრძნობდა, მათთვის ეთქვა, გატაცებას მიპირებენო, თავისი ნებით მოქმედებდა და რა უნდა ეთქვა? – უთხრა „შირაქს“ დიმი-



ტრი საკანელაშვილი.

ცეცხლაძეების ოჯახში დეტალურად დაკონკრეტება არ სურთ, თუმცა დავალიანების არსებობას ადასტურებენ. 112-ში ზარის ინიციატორი დალი ცეცხლაძე ამბობს, რომ მისი მეუღლე არსად გამოუკეტავთ და პირდაპირი გაგებით გატაცება არ ყოფილა.

„მათი ვალი მე წამდებოდა მაქვს, მაგრამ ვისთვის არ მიმიცია, რომ ახლა არ დამებრუნებინა? მომივარდნენ სახლში და მლანძღავდნენ. სად წამიყვანეს, ან რა მოხდა, არ მინდა ამ საკითხზე საუბარი და დეტალების გახსენება, ისედაც განერვიულებული ვარ,“ – აღნიშნავს გურამ ცეცხლაძე.

დანაშაულები 4-დან 10 წლამდე ვადით თავისუფლების აღკვეთის ითვალისწინებს. გამოძიება საქართველოს სისხლის სამართლის კოდექსის 143-ე მუხლის მე-3 ნაწილის „ა“ და „ე“ ქვეპუნქტით, ასევე, 181-ე მუხლის მე-2 ნაწილის „ა“ ქვეპუნქტით მიმდინარეობს. სიღნაღის სასამართლომ ოთხთვე დაკავებულს აღკვეთის ღონისძიების სახით ორთვიანი წინასწარი პატიმრობა შეუფარდა. შემდეგი სასამართლო სხდომა ივლისის დასაწყისში უნდა გაიმართოს.

ილია მარტყოფლივილი



# ანსამბლ „იალონის“ ბრიტანული არდადეგები

ანსამბლ „იალონის“ გასტროლი ინგლისში წარმატებით დასრულდა. ამ ანსამბლში ორი დედოფლისწაყროელი გოგონა მღერის, ანა ლოლაშვილი და თეონა ბენაშვილი. ქართული კულტურის ელჩებმა დიდ ბრიტანეთში ორი კვირის განმავლობაში მოიარეს ოქსფორდი, კემბრიჯი, ლონდონი და უამრავი სხვა ადგილი. მოგზაურობა შოტლანდიიდან დაიწყო, შემდეგ ლონდონის ნამყვან დარბაზში გახსნეს პოპულარული ფესტივალი. მათ თავგადასავლებსა და შთაბეჭდილებებზე სასაუბროდ შევხვდით.

**ანა ლოლაშვილი:** „სმირად ადამიანები იმაზე ოცნებობენ, რაც მათთვის მიუწვდომელია. მაგ.-ზოგი კარგ მანქანაზე, ზოგი უცხოეთში, ან ამერიკაში მოგზაურობაზე, ზოგიც კარგ სახლზე და უზრუნველ მომავალზე და ა.შ. მაგრამ ჩემი დიდი ოცნება ყოველთვის ტრადიციულ გოგონათა ანსამბლ „იალონი“ მოხვედრა იყო. ერთ დღესაც მოხდა ისე, რომ ჩემი ცხოვრების ყველაზე ფერადი სამყარო სწორედ „იალონი“ გახდა. ეს ის ადგილია, სადაც საკუთარი თავი შეგიძლია გამოხატო, სადაც უბრალოდ თავისუფლება იგრძნო, სადაც მოუფრთხილდე და მოუარო ყველაზე ძვირფას საგანსურს, ქართულ კულტურას, სადაც შემოქმედებითად „სივრცეში გაიჭრა“.. (როგორც ანსამბლის ხელმძღვანელი, ნინო იტყობდა) სადაც შენ სათქმელს ამბობ, სადაც უბრალოდ გელოდებიან.. ანსამბლს 14 წლიანი ისტორია აქვს შექმნილი და ბოლო 3 წელია მეც ამ ისტორიის ნაწილი ვარ. ანსამბლის მიზანი ქართული ტრადიციული მუსიკის პოპულარიზაციაა, როგორც საქართველოში, ისე მის საზღვრებს გარეთ. ქართული კულტურული

მემკვიდრეობით, მრავალხმიანობით, უნიკალური ფოლკლორითა და ისტორიით არაერთი უცხოელია დანიტერესებული. ამ ანსამბლს ქართული ტრადიციული მუსიკის მრავალი გასვლითი ღონისძიება ჩაუტარებია ევროპის სხვადასხვა ქვეყნებში: როგორცაა ბელგია, ფინეთი, პოლანდია, უკრაინა და სხვა. შემიძლია თამაშად ვთქვა, რომ ინგლისის ტური, რომელიც რამდენიმე დღის წინ დავასრულეთ, ალბათ ყველაზე გამორჩეული იყო თავისი კულტურით, ყოფით, საზოგადოებით, ისტორიით.. ჩვენს ჩასვლამდე ნიადავი არაერთმა ეთნომუსიკოლოგმა და ანსამბლმა მოამზადა. აღსანიშნავია უდიდესი ეთნომუსიკოლოგი და პროფესორი - ედიმერ გარაყანიძე, რომლის წყალობით არაერთი ქართული ანსამბლი შეიქმნა ინგლისში: „ჩელა“, „ბუსკა“, „მასპინძელი“.. მათ ქართული მუსიკალური ფოლკლორის საკმაოდ დიდი რეპერტუარი აქვთ.

ჩვენი ტური მოიცავდა 8 ქალაქში ტრადიციული მუსიკის ვორქშოპებსა და კონცერტს. საკმაოდ დატვირთული გრაფიკი გვქონდა. პირველი ქალაქი ლანკასტერი იყო, სადაც მეტად გემოვნებიანი აუდიტორია დაგვხვდა. ეს ქალაქი გაამორჩეულია მუსიკის ფესტივალებით. შემდეგი დაუვიწყარი დღეები ედინბურგში გავატარეთ. დედოფლის სასახლე, პარლამენტის შენობა, მდიდარი ეროვნული



მუზეუმი, ედინბურგის ციხე ყველაზე შთამბეჭდავი აღმოჩნდა ჩემთვის. ყოველფერის ნაბიჯზე შოტლანდიელ მეგუდასტვირებს ვხვდებით. მოვიარეთ მანჩესტერი, ჰებდენ ბრიჯი, კემბრიჯი, ოქსფორდი, ლონდონი, ჩიფინგ ვორდენი. თითოეულმა ქალაქმა თავისი ისტორიით, კულტურითა და ადამიანებით მრავალი მოგონება დაგვიტოვა. მეტად სასიხარულოა, როდესაც ხედავ, რომ შენი სამშობლო და ჩვენი ფოლკლორი მთელი არსებით უყვართ. ასევე არ შემიძლია არ აღვნიშნო იქაური საზოგადოების განათლების დონე და ინტელექტი. მსგავსი კულტურული ერი ალბათ იშვიათია. ასევე ვისურვებდი, რომ ჩვენი ქალაქებიც ისეთივე განვითარებული იყოს, როგორც დიდ ბრიტანეთში.

ბევრი სახუმარო თავგადასავალიც შეგვემოხვია. მაგალითად ლონდონში მეფის ცხენი გამოგვეკიდა. გადავწყვიტეთ სამასხოვრო ფოტოს გადაღება, მაგრამ

იმდენად ახლოს მივედით, ცხენი დაფრთხა და ჩვენც უკან მოუხედავად მეორე მხარეს აღმოვჩნდით. ასევე დაუვიწყარი იყო ქართული სუფრის საღამო, სადაც თავად მოამზადეს ქართული ტრადიციული კერძები. ეს დღე მეტად ემოციური იყო, რადგან ერთი დღი უფრესული შეიკრა და ჩვენ ყველას გვეერთიანებდა ქართული მუსიკა, ფოლკლორი და საქართველო.

თავისუფალი დრო ნაკლებად გვქონდა, რადგან მეტად დატვირთული გრაფიკი იყო. მაგრამ განსაკუთრებული შთაბეჭდილება ედინბურგმა მოახდინა.. შოტლანდიის ნაციონალურმა მუზეუმმა, ასევე შთამბეჭდავი იყო ლონდონის გალერეა, სადაც წარმოდგენილი იყო იმპრესიონისტებისა და რენესანსის მხატვრობა. კემბრიჯი და ოქსფორდი საუნივერსიტეტო ქალაქებია და ძირითადად კოლეჯები ვხვდებით. მაგალითად კემბრიჯში 32 კოლეჯი იყო.. ასევე აღსანიშნავია ოქფორდის ბიბლიოთეკა, რომელიც უმდიდრესია და სხვადასხვა მიმართულების დარბაზები ერთმანეთს გვირავს უკავშირდებოდა. ასევე განსაკუთრებული მნიშვნელობის მქონე იყო ოქსფორდის გამომცემლობაც.

დაუვიწყარი დღეებისთვის მადლობა კიდევ ერთხელ ორგანიზატორებს, ჩვენს მეგობრებს, ჩემს „იალონი“, ანსამბლის ხელმძღვანელს ნინო ნანეიშვილს ნდობისთვის, დაუღალავი შრომისთვის, იმ ენთუზიზმისთვის, რომელიც ასე გადამდებია და ყველა იმ ადამიანს, რომლებსაც წვლილი მიუძღვის ჯადოსნური თავგადასავლის შექმნაში“.

ილია მარტყოფლიშვილი

## ხელოვნების სკოლის შემაჯამებელი კონცერტი გაიმართა

მუსიკა, როგორც სულის ენა, ჩვენი ცხოვრების თანამგზავია. მისი მნიშვნელობა ფასდაუდებელია - ჩემი, სმამალაი, სწრაფი თუ მშვიდი, უცნობი თუ ნაცნობი, ის ჩვენს ცხოვრებას მუდამ თან სდევს.

მუსიკის ფასდაუდებლობა და მისი ძალა კიდევ ერთხელ დაგვანახეს ქ. დედოფლისწყაროს ხელოვნების სკოლის პედაგოგებმა და აღსაზრდელებმა, რომლებმაც ამავე სკოლის დარბაზში 15 ივნისს შემაჯამებელი აკადემიური კონცერტი გამართეს.

კონცერტში მონაწილეობდნენ ხელოვნების სკოლის აღსაზრდელები: ნინო მებრიშვილი, თეკლა გაბიდაური, დები: სალომე და მარიამ ტოკოლიკიშვილები, ელი-საბედ გულიაშვილი, ლუკა ჩერქეზიშვილი, სალომე პოპიაშვილი, თამარ შეთინიშვილი, სალომე ლეკაშვილი, ანამარია ნერსესოვი, მარიამ თეთვაძე, ანასტასია ქუშაშვილი, მარიამ ყაჭაშვილი, ალექსი მადლიანი, ქეთი კვესაძე, გიორგი ლევიშვილი, თამარ საყვარელაშვილი, ლალა ჩოგიაშვილი, თეკლა ნიკოლაური, მარიამ ჯინაშვილი, ნიკოლოზ პაპაშვილი და ხელოვნების სკოლის მოსწავლეთა ვოკალური ანსამბლი.

შოპენი, ბახი, ჩაიკოვსკი, დურგლიშვილი, კიკილაშვილი, მერაბიშვილი - ეს იმ

კომპოზიტორების მცირე ჩამონათვალია, რომელთა საყოველთაოდ ცნობილი ნაწარმოებები ხელოვნების სკოლის მოსწავლეებმა დამსწრე საზოგადოებას წარუდგინეს. არ გადავაჭარბებ თუ გეტყვით, რომ მათ ყოველ გამოსვლას დარბაზში გასაოცარი სიმშვიდე და შესრულებისგან მიღებული აღფრთოვანება მოჰყვებოდა ხოლმე. ყოველი გამოსვლა მქუხარე აპლოდისმენტებით საჩუქრდებოდა, რაც მათი შრომის შედეგს კიდევ უფრო თვალსაჩინოს ხდიდა. სკოლის მოსწავლეთა ვოკალურმა ანსამბლმა საოცარი, ნკრიალა და სუფთა ხმით ყველა მოხიბლა, დარბაზში მყოფი თითოეული მსმენელის გულის სიმბეჭე და „ააფორიაქა“. შეუძლებელია არ გამოარჩიო და გამოჰყო ნიკოლოზ პაპაშვილის, როგორც სოლო შესრულება (შოპენი), ასევე თეკლა ნიკოლაურთან ერთად შესრულებული მერაბ მერაბიშვილის ნაწარმოები „სიყვარული“, რომელმაც დარბაზის ხანგრძლივი აპლოდისმენტები დაიმსახურა.

კონცერტის ბოლოს ხელოვნების სკოლის დირექტორი დალი ელისაშვილი სიტყვით წარსდგა დამსწრე საზოგადოების წინაშე: „მადლობა ვუხდით ბავშვებს განუყოფელი შრომისთვის, დიდი მადლობა ასევე მშობლებს, იმისათვის, რომ თქვენი შვილები დაგყავთ ხელოვნების სკოლაში და აძლევთ კლასიკურ მუსიკასთან ზიარების საშუალებას. ასევე დიდი მადლობა სამხატვრო განყოფილების ხელმძღვანელებსა და ბავშვებს, რომელთა ნახატებიც გამოფენილია დღეს ჩვენს ფოიეში. ცოტა ხნის წინ ჩვენს სკოლაში ჩატარდა კომპოზიტორ მერაბ მერაბიშვილის

საღამო, რომელსაც თავად კომპოზიტორიც ესწრებოდა. ჩვენ გვინდა, კიდევ ერთხელ მადლობა ვუთხრათ პედაგოგებს და ბავშვებს, ვინც ამ კონცერტში მონაწილეობდნენ და ასევე გვინდა მხარდაჭერისთვის დიდი მადლობა გადავუხადოთ დედოფლისწყაროს მუნიციპალიტეტის მერიას და მერს ბატონ ნიკოლოზ ჯინაშვილს, მერის მოადგილეს ბატონ მალხაზ მერაბიშვილს, ქალბატონ თამარ თამაზაშვილს და კულტურის ცენტრს თანადგომისთვის.“

მუსიკალურ ცხოვრებაში აქტიური მოღვაწეობისთვის და მერაბ მერაბიშვილის საღამოს ორგანიზებასა და მაღალ დონეზე ჩატარებისთვის მადლობის სიტყვები გადაეცათ სკოლის პედაგოგებს: ლია ხაჩიაშვილს, მარიამ კიკილაშვილს, ნინო ლაპიაშვილს, დალი ხუციშვილს, ნინო ალდაშვილს, ნინო ნიკაშვილს, მარიკა მეგლიაშვილს, ნინო ანჯაფარიშვილს, თამილა ნადირაშვილს, თამარ კიკილაშვილს; ასევე მოსწავლეებს: ნიკოლოზ პაპაშვილს, ლალა ჩოგიაშვილს, ლუკა ყაჭაშვილს, თეკლა ნიკოლაურს, მარიამ ჯინაშვილს. გარდა ამისა, დალი ელისაშვილმა სასიამოვნოდ გაახარა და მრავალხმიანი, ერთგული და დაუღალავი შრომისთვის მადლობის სიტყვი და ფასიანი საჩუქარი გადასცა ხელოვნების სკოლის ტექნიკურ მუშაკს თამარ ჯანყარაშვილს, რომელმაც სულ ახლახანს ჯანმრთელობის მძიმე პრობლემები გადალახა და მცირე დროში დაუბრუნდა თავის მრავალხმიან სამსახურს. დალი ელისაშვილმა ხელოვნების სკოლის აღსაზრდელის ნიკოლოზ პაპაშვილისა და მისი პედაგოგის მარიამ კიკილაშვილის კონცერტის



დაანონსა, რომელიც 21 ივნისს, საღამოს 17:00ს-ზე ჩატარდება ხელოვნების სკოლის დარბაზში. დასწრება თავისუფალია.

**მუსიკა ენა რომელსაც არ სჭირდება თარჯიმანი, რომელიც ყველამ, იცის დიდმაც და პატარამაც, ენა რომელსაც თითოეული, სულის ყველაზე ღრმა ადგილშიც, სრული არსებით გრძნობს და აღიქვამს. ასეთი აკადემიური წარდგენები კიდევ ერთხელ გვარწმუნებს, რომ მუსიკა ამ ფუნქციას, შეეხოს ჩვენი გულის ყველა სიმს, ნამდვილად ასრულებს. მადლობა ყველას ამ სიმების შეტოკებისთვის, თვალზე ცრემლისთვის, ბედნიერების ღიმილისა და დადებითი ემოციებისთვის. თქვენი ანგარიში წარმატებითაა ჩაბარებული.**

შუშუნა ყანჩაშვილი  
სათუნა ბანაშვილი

**იყიდება!**  
იყიდება 5 ოთახიანი ბინა ქ. დედოფლისწყაროში. მისამართი ჭერეთის ქ. №2, მიკრორაიონში; კორპ. 11; ბ. 12. მე-4 სართული. ბინას აქვს 2 სველი წერტილი. 2 აივანი და საკუჭნაო. ფასი: 22000\$; ტელ: 571 40 48 77; (რუბიკა) რობა ჩიტაური.

<b>ა</b>	<b>ბ</b>	<b>გ</b>	<b>დ</b>	<b>ე</b>	<b>ვ</b>	<b>ზ</b>	<b>ს</b>	<b>ყ</b>	<b>რ</b>	<b>ო</b>
ორშაბათი 19.06	სამშაბათი 20.06	ოთხშაბათი 21.06	ხუთშაბათი 22.06	პარასკევი 23.06	შაბათი 24.06	კვირა 25.06				
დღე	ღამე	დღე	ღამე	დღე	ღამე	დღე	ღამე	დღე	ღამე	დღე
26°	15°	23°	15°	26°	15°	26°	15°	26°	15°	27°

გამომცემელი შპს „შირაქი“  
დირექტორი **ინგა შიოლაშვილი**  
რედაქტორი **ილია მარტყოფლიშვილი**  
წერილში მოყვანილ ფაქტებსა და ციფრებზე პასუხს აგებს ავტორი.

სარედაქციო კოლეგია: შუშუნა ყანჩაშვილი (ჟურნალისტი); ელზა ხარაშვილი (სტილისტ-მენეჯერი); სათუნა ბანაშვილი (კორექტორი); ნათელა ბოსტაშვილი (ბუღალტერი); ნინაზი ზანაშვილი (ოფის-მენეჯერი); მზინა ქანძაძე (საქმის მწარმოებელი).

გაზეთი აიწყო და დაკაბადონდა „შირაქის“ კომპიუტერულ ბაზაზე. ყოველკვირეული გამოცემა იბეჭდება შ.პ.ს. „კოლორ პრესის“ სტამბაში.

რედაქციის მისამართი: ქალაქი დედოფლისწყარო, ფიროსმანის №18, ☎ 0 356 22 22-85; 598 72-18-72 (დირექტორი) 593 275-275 (რედაქტორი)

რეგისტრირებულია დედოფლისწყაროს რაიონის სასამართლოს მიერ, № 6014-468.  
**გაზეთის გამოწერა წელიწადში - 20 ლარი**